



御選元詩卷第四目錄

樂府歌行三

黃潛一首

柳貫二十八首

吳萊六首

吳師道八首

歐陽元三首

陳泰十二首

宋本七首

宋褰十二首

王士熙三十二首

御選元詩 卷四 目錄

察伋一首

胡助一首

歐陽應丙一首

趙楠二首



御選元詩卷第四

樂府歌行三

黃潛

可憐行

紅顏白面可憐子杖藜飢走荒山裏翠眉新婦雪色兒
掩袖嬌啼瘦如鬼道傍朱門照霜戟腸斷汝翁呼不起
金魚象笏供樗蒲紈袴終然愁餓死春風秋月哀思多
嗟汝少年奈老何

柳貫

六月十五日大雨雹行

是日
月食

日月相鬪鶉火中晡時欲息雲埋空雨脚初來雜鳴雹

御選元詩

卷四

黃潛

柳貫

一

雷驅電挾聲颯颯排簷倒檻揮霍入犀兵快馬難爲雄
中休頗意絕崩迸轉橫更覺加鈇鋒亂拋荆玉抵飛鵲
恣擲桃核隨飄風坐移向壁防碎首急卷巾席何息息
上天號令豈輕出摧殘長養皆元功陰凝陽爍鬼神著
氣有至反誠則同想茲試手鼓萬物特欲振槁昭羣蒙
齋心變貌謹天戒嗚呼生意無終窮

梁谿謠贈盛高霞道士

梁谿一片月搖蕩綠蘿煙玉女採珠回駕龍耕壁田春
去竹花實歲深芝草駢鳳凰招不下遲景惜留連却望
白雲嶠明星正當天雲中青童君招麾使之前謂言寶
訣書列在瑤臺編蚩尤守扃鑰一閱三千年至今海嶽

間光氣常蜿蜒茅龍亦解飛金匱豈徒堅引手探元策
得之可登仙首路向恒碣西窺臨嶽蓮天壇見日出皓
鶴共踰躡行攀飛狐塞回薄扶桑淵滄溟挹不滿石廩
小如拳還尋屏風疊鼓柺陵中川調笑呼陸羽濯纓第
二泉但聞丹齊成不見朱顏遷顯露薦承液雄虹爲采
壇上下入景中窅然觀化先何必肩洪崖遂將儕偃佺
寧能獨不死爲我啟真筌大還容草創小劫度沉綿桂
枝倘堪結遲贈遠遊篇

松雪老人臨王晉卿煙江疊嶂圖歌

君不見帝堦王家寶繪堂山川發墨開洪荒重江疊嶂
詩作畫東坡留題雲錦光又不見後身松雪齋中叟伸

御選元詩

卷四 柳貫

二

紙臨摹筆鋒走樓臺縹緲出林坳蘆葦蕭蕭騷藏澤藪白
雲飛不盡青冥百丈牽江入樊口墨花照几射我眸我
爲騫芳歌遠游胸中是物有元氣世上何所無滄洲我
疑此叟猶未化瞬息御氣行九州五山四溟一觴豆瑣
細弗遺囊楮收故能援毫發天藻不與俗工爭醜好楚
山雲歸楚水流萬里秋光如雷埽拈來關董散花禪別
出曹劉斲輪巧披圖我作如是觀毛穎陶泓共聞道嗚
呼相馬亦相人駑駘豈得同翔麟舍夫毛骨論形似如
此鑒賞焉能真後來有問延祐脚意索舉似吾方歎

商學士畫雲壑招提歌

并序

諸生淵魯不花嘗從其父官洛下強學好修得於

山水之助者也集賢侍讀學士商公見而器之爲
畫雲壑招提以贈乞予作歌公此圖意韻閑遠生
能求之筆墨之外將不由是而有發乎

高爲巔峯下爲壑羣木慘慘風欲作浮紅動翠何許似
別掩殘雲明佛閣眼中疑此洛南山只尺便到龍門灣
暗潮已落洲渚出新月未上漁樵還商侯胸有羣玉府
借酒時時一軒露延春閣下墨淋漓餘情亦及滄洲趣
好山好水如高人豈直貌敬將心親平生幾夢奉先寺
不知猿鳥猶相嗔君不見飲酒吟詩狂太白曾是匡山
讀書客泥塗失脚走憧憧歲晚看雲情脉脉生今益壯
業益修未可造次思巖幽披圖漬墨歌遠遊我無桓元
御選元詩

卷四 柳貴

三

寒具油

僧傳古踴霧出波龍圖歌

葉公好龍致真龍精氣所感無不通僧中劉累有傳古
夜夢捷入驪龍宮陽暉焔焔陰魄動左右給侍皆魚蟲
探珠不得逢彼怒轟然鼓鬣興雷風潛窺竊識領其妙
寫之萬楮將無同目睛數月纔一點波浪只尺如層空
乘雲執鏡麾電母跨海獻寶招河宗劉嘗善拳古善畫
得意忘象象乃工爲龍爲畫了不識有頃噴水投長虹
龍乎龍乎德正中超忽變化天爲功絳宮帝子秉節從
九淵喚起赤鯁公永奠鼇極開鴻濛

灤水秋風詞

朔方竇憲留屯處上郡蒙恬統治年今日隨龍看雲起
八荒同宇正熙然

朶樓清曉常祠罷吾殿新秋曲宴回御帛功由寒女出
分頒恩自九天來

西風初吹白海水落日正見黑山雲旃廬小泊成部署
沙馬野駝連數羣

後灤水秋風詞

界牆窪尾砂如雪灤河背頭風捲空泰和未必全盛日
幾驛雲州避暑宮

旋卷木皮斟醴酪半籠羔帽敵風砂丈夫射獵婦當御
水旱肥甘行處家

御選元詩

卷四

柳貫

四

山郵納客供次舍土屋迎寒催瑾藏砂頭蔴姑一寸厚
雨過牛童提滿筐

北山招隱詞題李卿月小隱圖

煙雲奇彩稜稜見水木高齋面面開畫裏青山雖甚似
夢中元鶴幾曾來

拚攔布葉尋常大畧徇通溪取次斜誰送茶煙來北崦
却留梅月在東家

徂歲蒼松驚出屋度秋黃葉看成堆賴憑故篋書千軸
領取虛名水一杯

此圖盈尺山論丈何處看雲水自空幸自冰壺堪作傳
莫憂瑤草未生叢

洪州歌

豫章城西江上舟船翁夾柁起紅樓官鹽法茗有饒乏
市利商功無筭籌

舊坊馬齧誤驚眠新水魚來聽賣鮮說說閑曹無一事
閣前小吏送餐錢

厭原山上雲封頂谷鹿洲前水作文老向江城收物色
洪崖仙子舊知聞

騰騰寶氣貫天中一劍西飛一劍東化作城南鎖蛟柱
人言下有支祈宮

東湖水滿封雲開掠取煙光雨色來未放官繇興畚插
且從魚樂占池臺

御選元詩

卷四

柳貫

五

相國臨邊節制高春城小隊簇旗旄日開南粵無拒命
翡翠生犀數貢毛
秋屏閣上看西山每到須揜薄暮還豈有珠璣資簸弄
祇教塵土羨蕭閑

萋萋鮮滑勝雞酥滿尺河豚玉作膚漫說江鄉美庖傳
幾曾風味似蓴鱸

諸使官名小字題石幢今在驛垣西當時得託大手筆
岐陽十鼓與之齊

圃塍新雨得春多幾箇閒人載酒過夾徑金沙編作障
懸根翠柏種成窠

女兒頭戴角冠欹匭葉垂垂禪鬚齊十里來城肩擔重

新晴菜把賤如泥

舊聞雙井團茶美近愛麻姑乳酒香不到洪都領佳絕
吟詩眞負九迴腸

中男十五學棹謳大男前年能競舟辦作神筵賽寒食
併將犀炬照潛蚪

吳萊

黑海青歌

越山山有黑海青長拳快眼健羽翎三年籠養未得飽
萬里驍俊猶飛星黃蘆老葦日摧折白鷺文鶴看磔裂
腥沾石磧久遠風髓擊寒岡散輕雪伊人脫手本凡禽
歲晚連條到上林鉗奴素賤多侯骨騎士虛豪即俠心
晉宮邸廢身欲死燕國雲銷草如砥嗟非鸞鳳高杳冥
望盡狐狸衆披靡當時奉使探遠巢兩徼馳兵聞勇鑿
南土誰知此鷲猛北州驟見爭驚號天鵝薄天垂爾翼
海青雖黑打可得太平八極無不通函谷何問關西東

梳珠伎

梳珠聞自宮掖來長竿寶梳手中迴日光正高竿影直
風力旋空珠勢側當時想像鼻生蔥宛轉向額栽芙蓉
筋頭交筋忽神駭矛葉舞矛憂技窮昔人因戲存戒懼
後人忘戒但戲豫漢朝索撞險還愁晉世柘梓危不寤
徘徊徊奪目睛欹欹傾傾獻玉瓊滑涎器從龍堂出
輝燿命與鬼骨爭君不見王家大娘材藝絕勤政樓前

戴竿折市人謹笑便喧城驚動金吾白梃聲

白鼻騮

白鼻騮白鼻騮當軒迴立噴風沙名驥留良定北土蹇
驀索價猶東家青松縛柳曉安阜紅錦裁韉春映草支
遁心機愛神駿伏波骨力輕衰老去年禁馬無馬騎天
下括馬數馬皮浮湛鄉閭萬里足笑傲品秩千金羈幸
哉漢武重修政往矣劉聰真覆鏡立防戰備要馬稀藏
富民寰須馬盛向來河隴色爲羣目極川原亂若雲庶
人徒行未足恤世間醇駟何由得

鞦韆行寄趙季良時趙留京邑

京城寒食來沽酒城北城南映楊柳人家歡笑踏鞦韆

御選元詩

卷四

吳萊

七

杏板絲繩相對懸宮錦翻衣真富貴俗軀走肉盡神仙
徘徊宛轉當風立春晚多風吹汝急鞦韆已墜蹴踘空
華鑣翠鞞擁青驄軒轅臺前日月近無終國裏山川同
遠方羈旅紛馳逐燕趙佳人美如玉燕歌趙舞歡未足
去年芳草今年綠

女殺虎行

山深日落猛虎行長風振木威鬚鬚父樵未歸女在室
心已與虎同死生揚睛掉尾腥滿地狹路殘榛苦遭噬
豈非一氣通呼吸徒以柔軀扼強鷲君不見馮婦來下
車衆中無人尚負隅又不見裴將軍出鳴鏑一時鞍馬
俱辟易丈夫英雄却不武臨事趨趨汗流雨關東賢女

不足數孝女千年傳殺虎

烈婦行

落日沈海雲壓城官軍多載婦女行大弓勁箭自山下
顏色如灰愁上馬我生不慣生馬駒存者吾子亡吾夫
毋寧完身吐玉雪忍使餒肉當熊羆青楓嶺頭望回浦
血指畫巖心獨苦老螭扣地救未及芳草迷天淚零雨
卓哉一死可百年此事已過永泰前黃沙野塞多降骨
忠義傳中收不得

吳師道

促織陰

高秋白露如零雨促織驚寒近牀語美人不寤空閨深

御選元詩

卷四

吳萊

吳師道

八

共向西風訴離苦玉關征人去不歸無書寄與來鴻飛
背壁孤燈照清淚誰家急杵敲寒衣寒衣八月當寄時
今年獨恨衣成遲天吳顛倒舊繡裂春蠶凍損新絲稀
夜長抱膝三太息此懷促織那能知微霜淒淒月欲沒
四壁蕭蕭聲轉急嗟成錦字長相思萬里秋空凝愁碧

殺虎行

蘭溪太守今劉昆癡虎有耳胡不聞夜深妥尾古道上
日暮搏犬荒城根風吹黃茅走白額獵夫一見懼踴躍
亂刃交揮白雪翻雙眸怒迸金丸落後車傳送如獻俘
當軒裂肉空須臾長河無蛟惡黨靜里中三害今何如
平生意氣多豪野亦欲短衣馳匹馬一掃腥魂險穴空

長歌慷慨南山下

落花行

東風吹花花作團美人脉脉凭闌干倦投紅筵逐舞鳳
故尋翠袖縈釵鸞去年送別城南道城南飛花映芳草
關河萬里人未歸風雨一番春又老抱愁無語還空閨
拂釵攬袖香依依綠陰鎖窗蝶影斷空枝弔月鶻聲悲
青春不復回游子不顧期美人掩淚長相思恨身不似
花能飛花飛終恨沾塵泥安能與花飛去陽關西

苦旱行

五月苦旱今未休青空烈火燔新秋雨師不仁龍失職
百鬼廟食茫無謀我欲箋天訴時事只恐天公亦昏睡
御選元詩吳師道卷四九

蒼生性命吁可哀風雲何日從天來

皇天不雨一百日千丈空潭斷餘溼連山出火槁葉黃
大野揚塵烈風赤田家父子相對泣枯禾一莖血一滴
中夜起坐增百憂雲漢蒼蒼星歷歷
吳鄉白波田作湖越鄉赤日溪潭枯衾裯不換一斗米
細民食貧衾已無連艘積廩射厚利烏乎此曹天不誅
聞道閩中米價賤南望梗塞悲長途

落葉行

山窗獨眠抱秋冷四壁無聲中夜醒天清急雨忽萬點
月出枯蛇紛衆影開門颯颯非故林滿空亂葉搏愁陰
石澗流紅百泉咽蘚痕掩碧孤蟬吟高秋共誰聽蕭瑟

却憶江南遠游客楚天搖落白日高萬里扁舟蕩秋色
江南客來歸山中葉亦稀相思繞徧寒樹下有恨願隨
秋風吹山空夜寒風漸微慘慘霜露沾人衣哀鴻獨叫
殘雲飛

燕子行

清江朱樓相對開去年燕子雙歸來東風吹高社雨歇
一日倏忽飛千回翻身初向煙中沒掠地復穿花底出
花飛煙散江冥冥城郭參差滿斜日無情游子去不還
短書寄汝秋風前繡簾不卷春色斷空梁泥墮琵琶絃
飛檣冉冉瀟湘浦春盡天涯路修阻一夜相思柳色深
獨上樓頭淚如雨

御選元詩

卷四

吳師道

歐陽元

一

歐陽元

春閨怨

東風園林花草香芳閨寂寞春晝長佳人獨守情默默
銀牀錦被閑鴛鴦終朝倦繡拈針指怕向花前聽鶯語
喚回舊事千萬端杏臉蛾眉淚如雨玉郎去年辭家時
綠楊紅杏嬌春暉綠楊紅杏色如舊悵望玉郎猶未歸
一春魚鴈音書絕雪膚消瘦千腸結斷腸獨立幾黃昏
那更青山苦啼鴉

和李漑之舞姬脫鞵吟

官袍繡蹙金花綺紅綃緊襯雙鸞尾盈盈慢服舞腰輕
綵雲飛處香風起藕絲掣斷春雲鬆瑞蓮雙結並頭紅

天天曲曲玉彎卷翠鳧飛去天欲輓玉階秀茁蘭筍長
瓊沙迸出蘆芽淺徘徊困倚東風力溼砌香雲墜無跡
無限嬌羞不自持君王喚起扶花立

題紫微老人大字歌

紫微老人射生手挽強竟取黃金斗驃騎營中拜驍勇
鳳皇池上稱耆舊時平腕力無所施筋力猶能學顏柳
縱橫戎略結構體殺活兵機屈伸肘山莊劉氏得最多
當日檐榆駐應久高樓大扁曰明遠況有愛山并尚友
我來後公五十年主人酌我樓中酒平田野水鳧鴈集
重岡複嶺蛟龍走登高欲賦乏佳興忽覩台躔照窗牖
家藏有此希世珍取酒當爲主人壽想當洗硯改筆時
御選元詩

卷四

歐陽元

陳泰

二

陳泰

題趙子昂畫馬歌

九原駿骨埋地中一夕盡化霜皮松畫史剗松作神墨
埽出騏驎帶松骨煙沙漠漠披風鬣精氣炯炯房星同
天山無人草木白西極日沒黃河東時平使汝困轅軌
不得變化騰爲龍黃金擲送燕臺下當日君王惜高價
自從汗血去人間老死英雄空見畫千年祇說曹將軍
弟子韓幹終無聞今之畫者趙翰林嗚呼三晉賢子孫

秋江釣月圖歌 并序

秋谷李平章所善客鄱陽葉天文隱居不仕其行
卷曰秋江釣月圖同年魯伯昭闕里吉思贈之以
詩屬余次韻

青蘿斷岸苔如髮天清水落魚龍窟中有江南漫浪翁
獨棹秋江釣明月秋江月白芙蓉深扣舷夜和江神吟
不須槎上泛牛斗瓊樓玉宇空人心千年白石今可煮
一掬泉香擣雲母富貴知君已厭看翠黛紅妝夢中舞
人間月色儘風波聞道君家月最多我亦扁舟下彭蠡
到門相訪定如何

朔方歌

御選元詩

卷四 陳泰

三

朔方大野何寥哉悲風慘淡從天來初如巨壑吼陰浪
忽似暗空行怒雷嚴風吹霜石爲裂浙瀝飛沙砭人骨
萬里書生二十餘疋馬來爲朔方客朔方之人膽如斗
不鬪才華鬪身手無復悲歌慷慨聲猶能使氣屠雞狗
憑高仰視太行山山氣空濛紫翠間東西日月自吞吐
古今煙雲相往還太行勢盡西山起鳳舞龍蟠聳神偉
昨夜燕山雪作團散落飛花漢宮裏朔方猛士氣凌雲
白首防邊未策勲馬上相逢淚如瀉嗟我何爲朔方野

梅花五友歌

古人一水畫十日今我此畫凡幾筆生絹數幅畫水石
獨立寒梅妙難識當其痛飲三百觴胸蟠勁氣不肯降

龍牙弄泉噴白雪鶴翅披漢飛元霜瀟湘之濱渺平楚
望美人兮在南浦夢回殘月照寒衾忽見瑤臺淡妝舞
此時見畫心悵然吟蛩落木秋無邊化工知我惜花意
墨香到骨花能言長松飛來感成卷竹色蘭芳靜相見
吾廬雖小物色多不待更買鵝溪綃

松障圖歌

何人獨立身堂堂十八公子鬚髯蒼凝冰不遣勢摧折
清籟時與髯低昂蘭爲兄兮雪爲友燕坐松間自呼酒
眼花耳熱鱗鬣生千尺龍蛇入揮手手中松月自離筆
已見雲煙生蓊鬱儻非白晝堂宇空眞恐幽陰鬼神出
平生始識顏平原堅苦絕勝甜中邊世間畫史千金價
御選元詩卷四 陳泰
惜哉此松不多畫

紙帳歌和全初上人韻并簡劉光朝時朝納寵
故戲之耳

道人於事百不聞歲晚鶴骨誰相溫禪林蠶光薄如霧
宜月宜霜復宜露夢回蘄竹生清寒五月幻得梅花看
初疑脆膜輕無力一片凝秋劍中色道人巧手天機深
兩杵獨伴堦蛩吟卷舒似聽桔葉音珍重莫遣煙煤侵
百年富貴誰能免錦幄形廬語恩怨可憐老楮歲寒心
用舍在吾難自薦君不見燕山穹廬擅百幅狎坐圍春
醉紅玉道人不學製戎衣空煮南山卧茅屋安知幕天
席地一希夷長共青山白雲宿

奉和趙秋燾閏七夕樂章

翠鳳珍珍刷新羽一霎香車洗塵宇秋瓜老盡畫屏空
小扇無人拜星渚武丁去作宮門仙昨暮重開青瑣煙
長河十日一到海三疊回波金碧鮮剛風洶湧太古裂
天上至尊寧晏眠六龍西行鼓聲急芙蓉捲露旌旗濕
今年烏鵲最辛勤秃尾爬沙向龍泣祗憂帝怒星爲石
八極長懸曙光赤鵲飛入海海未回化石相望見何日

貧女行

貧家養女纔十五手足如綿獨當戶阿爺前月去行商
小弟伶仃未離母筠籃日暮挑菜葵倩人遠糶防朝炊
簪花枝重黃垂額汲澗泉深綠照眉生時不得嫁時力
御選元詩卷四陳泰十四
却喜夫家慣耕織堂前供養老姑存姑爲艱難少顏色
夜來小弟報平安見說新年百計寬此身豈願獨溫飽
父母養我良辛酸

萬里行

恨身不及生北方出門萬里無贏糧飢鷹志豈在狐兔
日暮啄雪猶徬徨早年結束耻游俠絕處季孟并李陽
擣菹又不學劉毅百萬一擲生輝光縱鱗輶脫騎鯨勢
弱羽徒干薦鸚章門下雖通齊相國馬前難拜北平王
歸來把鏡但搔首科斗蟲魚負君久金章一笑雷電奔
我豈終身合箝口錦媽鴨綠芙蓉秋觥船卷月秦姬樓
蛾眉爲我歌世事何必愁東邊日出西邊沒南北生人

俱白頭

集民謠

苗青青東阡西陌苗如雲經年不雨過秋半苗穗不實
空輪困田家留苗見霜雪免使糶歲勞耕耘縣官催租
吏胥急糶粟輸官莫論直勸農使不汝恤

蕨澄澄新春食蕨留蕨根凌晨斲根暮春杵斲歛大甕
流黃渾常年春寒粉始凍誰信秋暑霜翻盆窮通有數
今已識爲死爲生尚難測獨立蒼茫面如雪

和陸放翁白苧詞

美人獨宿青樓空素煙不斷楊柳風含情脉脉剪刀裏
一片湘江明月中去年秋機織雙杵裁寄征夫送寒暑

御選元詩

卷四

陳泰

宋本

十五

望斷遼陽信不歸長夜停梭聽鸚鵡

宋本

船上謠送伯庸以番貨事奉使閩浙十首 錄六首

江華江月要才情多病堪憐馬長卿莫向都門折楊柳
帝鄉春色不南行

琉球真臘接閩婆日本辰韓濊貊倭番船去時遺砭石
年年到處海無波

湧金門外是西湖隄上垂楊盡姓蘇作得吳趨阿誰唱

小卿墳上露蘭枯

舊時家近黑橋街三十餘年不往來憑仗使君一問訊

楊梅銀杏幾回開

余以至元廿六年出杭故居東隅隔四條巷旁
有橋名黑橋居有楊梅銀杏二樹在巨井上園

素馨華畔十八孃
炎雲瑞露酌天漿
一日供厨三百顆
使君館券莫支羊

東海澄清南海涼
公厨海錯照壺觴
郎君養好江珧脆
水母線明烏賊香

樂河吟

灤河上遊陬洎涓
僅如帶偏嶺下橫
渡復遶行都外頗
聞會衆潦既遠勢
滂沛雖爲禹貢道
獨與東海會乃知
能自致天壤無廣大

宋聚

涼夜吟

十五歲作

雲頭金玦秋意生
南城啼鳥三四聲
溥溥斜露銅鋪溼

御選元詩

卷四

宋本

宋聚

六

闌下幽花香氣清
倡樓苔華咽凝管
波底老龍求子鳴
蕭蕭竹樹小山雨
驚覺佳人夢中語
濕螢寥落階莎寒
拂拭桃笙掩閨戶

洗車雨

每七日有雨俗謂天帝爲織女洗車

一從去歲閑油壁
塵暗香輶有誰拭
瓊娥玉媵莫遲回
爲我飛書呼軫畢
雄雷雌電傾河來
寶輪濯濯無纖埃
桂香陌上不泥濘
虛無指點回蓬萊
烏橋銀浦沾濡徹
鳳勒鸞鞭潔如雪
猶恐黃姑沒病深
更擘濕雲填古轍

秋絃怨

海風吹涼薄璇宇
桂壓鉤闌秋作主
銀灣凝月澹游溶
雲彩粼粼鴛鳳羽
玉帳縣沙塞夢寒
沙淚啼秋山迸泉

哀蛩不解論心素
金字筵篔挑夜絃
大漠沙如雲去京
三萬里絃聲隔秦城
無路入君耳
七星橫西露漫漫
金刀翦衣丁夜眠
他日賜金高似屋
嫖姚應是貯嬋媛

流黃引

桂庭月午啼蜚閒
鸞宮露下冰紈單
酥燈毳帳鴈門塞
妾心料此中閨寒
流黃縮澀微含潤
錦石鋪雲瑩相襯
細腰杵急夜如年
擣碎商飈不知困
春織易製添光澤
鳳花入眼波紋溢
東天鵬鳴呼侍兒
快取衣箱金粟尺

竹枝歌

洞庭舟中賦

東山日赤雲氣昏
河姑勸我莫出門
持筐採得桑葉滿
直到阻雨溪南村

御選元詩

卷四 宋襲

三

竹枝歌

送余德輝還池州

沙渚青青芳草茁
梅根潮落蒲芽發
江頭少婦卜金錢
行人歸來有華髮

楊柳詞

夾道青青到鳳城
一般飛絮兩般情
離筵見處泣相送
歸鞍撲著喜相迎
北客還鄉二十年
來時楊柳故堪憐
而今張緒生華髮
手弄柔條一惘然

輓轡曲

漢月轉桐枝
羅衣怯嫩颺
銀餅輕墜放
驚散乳鴉兒

綠水曲

妾家若耶溪門扉綠水西桂月破煙暝波明楓影低潮
痕暗沙觜浦影空雲飛蘋洲風未起待妾採蓮歸

楊花曲

宮鶯百嚙花房委燕子日長三月尾玳瑁鉤簾後閣空
殘紅拂度銀塘水白袷春衫俠少年旌旗別恨相縈牽
盧家小娘不閉戶低回交舞妝臺前軟風吹香嬌脉脉
西園塢徑東園陌雲踪雨跡杳難憑青年誤殺金釵客

杏蠟辭

和馬伯庸泰定元
年作時初忝弟科

霞綃簇春笑紅雨曲江芳情惱游子郎君焰光高二丈
燒殺杏花三十里觴酣小駐龐姨家鶯歌溜玉鏗紅牙
華裾飄麝鬢豪綠上馬行陪擇壻車

御選元詩

卷四

宋製

王士熙

一八

王士熙

雲山辭

山氲氲兮出雲又泠泠兮以雨
條日出兮雲飛山青青
兮極浦橫浮雲兮水粼粼
褰杜若兮采白蘋
葑荷宇兮桂爲棟臨江
暈兮悵懷人

江上竹

蕭蕭江上竹依依徧山麓
晨霞屑明金夕月擁寒玉
梢梢綠鳳翼翼葉葉青鸞
足深叢疑立壁高節折垂
纛荒涼含雨露歷亂同草
木不求筍煮羹不求椽架
屋褰條作長笛吹我平調
曲

青青河畔草

青青河畔草江上春來早春來不見人思君千里道千里君當還夙昔奉容顏青樓獨居妾含情山上山白鴈歸塞北一行千萬憶團團月出雲却使妾見君

君莫舞

獸環魚鑰開九門長刀閃月如雲屯軍中置酒毛髮立楚漢瞋目爭乾坤楯上切肉衫血浣白壁入手玉斗破悲風烈日吹秦聲赤龍將飛沐猴卧項莊項莊君莫舞以力取人天不與明珠美女棄若遺誰遣驪山作焦土戰旗高高日向曛天空雲散猶待君漢王夜走灞上路紀信成灰范增去

行路難

御選元詩

卷四 王士熙

元

請君莫縱珊瑚鞭山高泥滑馬不前請君莫駕木蘭船長江大浪高觸天瞿塘之口鐵鎖絡石棧縈紆木排閣朝朝日日有人行歇擢停鞚驚險惡飢虎坐嘯哀猿啼林深霧重風又淒胥衣絆足竹刺短潛形射影沙蟲低昨夜雲月暗今朝煙霧迷青天蕩蕩紅日遠王孫遊兮草萋萋行路難歸去來振衣滌塵轉淮海故山之雲莫相猜行路難古猶今翻手覆手由人心江空月落長短吟

麟麟之車渡黃河汎汎之舟江上波漢使叱馭九折坂將軍橫旗下牂牁君不見長安大道人如蟻漏盡鐘鳴行不已又不見吳江八月人戲潮赤脚蹴踏潮愈高男

兒有志在四方憂思坎軻纏風霜不及江南豪富兒一
生足不下中堂烹龍膏薦麟髓千金一笑如花美忽然
對面九疑峯送君千里復萬里生鐵無光劒花紫薄霜
碎碎月在水雞鳴函谷雲縱橫志士長歌中夜起

古意

彈琴罷離聲置酒喜合并奉君藍田之玉卮涼州蒲萄
新釀成君醉不肯飲月華爲誰明羅襦起舞錦茵動花
落簾前驚乳鳳五更上馬雲滿天馬蹄却厭鳴珂重不
向章臺學鬪雞爲通名姓入金閨銅壺滴滴宮漏晚鴛
鴦飛來池水滿

玉環引送伯庸北上

御選元詩

卷四

王士熙

三

崑山有美璞昆吾有寶刀推雪漉寒冰凝此英瓊瑤團
團月長滿晶晶白雲淺似環環無窮寥寥人意遠有美
天山人皎潔同精神禁垣青春多大佩垂朝紳腰無大
羽箭肘有如斗印結束上京行騶駒驟長鞞不採珊瑚
鉤海深安可求不執水蒼璧漢庭羅公侯愛此玲瓏質
題詩贈與客百金一朝傾三年不可得不得只空行山
泉琴峽鳴摩挲龍門石憶憶應留情天風北極高歸塗
踏霜草不惜玉環分只願君還早

早朝行

石城啼鳥翻曙光千門萬戶開未央丞相珂馬沙堤長
奏章催喚東曹郎燕山驛騎朝來到雨澤十分九州報

輦金馱帛分遠行龍沙士飽無鼓聲閣中龍牀琢白玉
瑟瑟圍屏海波綠曲闌五月櫻桃紅舜琴日日彈薰風
窄衫裁苧清如冰踏茵起舞雲層層纖手宛轉拂輕燕
畫鼓逐拍涼州徧長衢蹀躞去馬蹄五更殘月聞鶯啼
誰能不思更不憶獨倚朱門望雲立庭前碧樹垂晚花
來禽熟時郎到家

白苧詞

李宮人琵琶引

瓊花春島百花香太液池邊夜色涼一曲六么天上譜
君王曾進紫霞觴

龍柱雕犀錦面妝春風一抹綵絲長新聲不用黃金撥

御選元詩

卷四

王士熙

三

玉指蕭蕭弄晚涼

鸞輿五月幸龍岡宣喚新聲促曉妝撥斷冰絃秋滿眼
塞天雲碧草茫茫

紫檀別殿鎖春光鈴索聲閑白日長不似開元教坊曲
太真微醉撥龍香

一入深宮歲月長承恩曾得侍昭陽檀槽按出新翻曲
五色雲中落鳳皇

越羅蜀錦舊衣裳贏得旁人識賜香莫對琵琶思往事
聲聲彈出斷人腸

瑤池高宴奏清商偷得蟠桃帶露嘗莫道仙凡便成隔
時時青鳥向人翔

賤妾霞宮母在堂當年雲鬢共蒼蒼太平傳得梨園譜
似說春風夢一場

劍舞當年識大孃花奴羯鼓漫悲傷貞元朝士仍多在
應笑青衫泣白郎

竹枝詞

居庸山前澗水多白榆林下石坡陀後來纔度槍竿嶺
前車昨日到灤河

宮裝驟裹錦障泥百兩羶車一字齊夜宿巖前覓泉水
林中還有子規啼

新雨霏霏綠芻勻馬蹄何處有沙塵阿誰能翦山前草
贈與佳人作舞茵

御選元詩

卷四

王士熙

三

車簾都卷錦流蘇自控金鞍撚僕姑草間白雀能言語
莫學江南唱鷓鴣

山前馬陳爛如雲九夏如秋不是春昨夜元冥剪飛雪
雲州山裏盡堆銀

山上去採芍藥花山前來尋地椒芽土屋青帘留買酒
石泉老衲喚供茶

上都柳枝詞

曾見上都楊柳枝龍江女兒好腰肢西錦纏頭急催酒
舞到秋來人去時

惹雪和煙復帶霜小東門外萬條長君王夜過五花殿
曾與龍駒繫紫韉

來時垂葉嫩青青歸去西風又飄零願得儂身長似柳
年年天上作飛星

儂在南都見柳花花紅柳綠有人家如今四月猶飛絮
沙磧蕭蕭映草芽

雪色驕驕窈窕騎官羅窄袖袂能垂駐向山前折楊柳
戲撚柔條作笛吹

偏嶺前頭樹樹逢輕於蒼檜短於松急風卷絮悲游子
永日留陰送去儂

合門嶺上雪淒淒小樹雲深望欲迷何日汶陽尋故里
綠陰陰裏聽鶯啼

察伋

御選元詩

卷四

王士熙

察伋

胡助

三

送別曲

瞳矓出扶桑照見大黑洋直升中天上萬國蒙清光三
山樓閣蓬萊東丹霞翠壁金芙蓉鴻濛凝結古元氣我
欲往遊從赤松郊郎朝玉京船發南風生海頭撾鼓人
起舞椎牛醜酒祈神明遠寄平安書十日到直沽阿翁
鬢半白莫莫醉黃公壚

胡助

春草曲

余爲太常博士歸田道
出梁溪爲華彥清賦此

春風如水流春草生芳洲遊子有遠志居人無別愁居
人伊誰華氏子不出庭闈奉甘旨可憐遊子萍相似春
愁草綠千萬里兒衣母線春風吹春暉滿堂草菲菲遊

子歸來慈母喜階前鬪草爭兒戲

歐陽應丙

小姑山謠

小姑近在水中央
薜荔爲衣蘭佩香
翡翠奮翼青霞光
宛其螭首蛾眉長
紫金芙蓉出綠波
白玉臺鏡開青螺
涉江浩蕩興無極
臨風窈窕揚清歌
大姑阿姨寄傳語
相望煙波奈何許
日暖江南滿白蘋
金釵落地湍風起

趙楠

曉寒曲

曲闌廉纖杏花雨
博山煙飛裊晴縷
夢回金帳春融融
鸚鵡驚寒隔窗語
美人曉妝雲滿梳
柳風吹香入氍毹
御選元詩
卷四
胡助
歐陽應丙
趙楠
翠環裊裊縮不斷
寶釵壓鬢紅珊瑚
丫鬟捲簾采桃葉
驚起一雙黃蛺蝶

秋宵吟

平林薄暮風浙瀝
黃金滿地秋狼籍
新月出嶺光欲流
萬籟無聲夜寥闐
誰家美人吹鳳簫
彩鸞對舞摩青霄
闌干縹緲碧雲遠
天風入骨涼蕭蕭
銅壺水寒銀箭澀
玉露滴空衣袂濕
釭花落盡爐煙收
幽懷耿耿生新愁
寒蟬啼碎人間秋

御選元詩卷第四

御選元詩卷第五目錄

樂府歌行四

許謙一首

陳樵七首

丁復五首

王虎臣一首

汪鑫四首

薩都刺二十四首

葛邏祿迺賢十八首

王沂三首

陳旅一首

御選元詩

卷五
目錄

趙期頤一首

方積四首

李洞三首

劉致三首

王瓚一首

傅若金二十八首

黃清老五首

于欽二首

陳德永一首

胡杕三首

楊鑄一首

御選元詩卷第五

樂府歌行四

許謙

放櫂行

安溪湖平行櫂多黃頭豎兒倚櫂歌梅花照眼送寒色
酒暈著臉生春和炎涼世態翻覆手江水長靜風吹波
出門一笑天萬里白鷗浩蕩如吾何

陳樵

出塞曲

為成潼關
李總管賦

屬鏤夜啼光屬地將軍一出櫂槍死行塵不動人歸市
帶甲如雲自天至取君甲兵為君洗分明袖有銀河水
御選元詩 卷五 許謙 陳樵 一
手中遺下泥一丸不封函谷封泰山

夜闌曲

碧宇星回夜漫漫靈蕪煙煖重熏薦冷翠香銷青桂枝
冰荷蓋光光遶帷花樓豔舞金菱蕤吳羹蜀酒精瓊糜
酒闌半解龍綃衣春朝曲渚聞鷓鴣

海人謠

海南蠻奴髮垂耳朝朝采寶丹涯裏夜光盈尺出飛魚
柏葉收珠寒蕊蕊幽箔連錢生綠花切玉蠻刀如切水
九譯來朝萬里天北風不動琅玕死

東飛伯勞西飛燕題飛花亭

東飛伯勞西飛燕花光絮影從風轉蜂黃蝶粉照靈葩

不散明珠祇散花
露衣隋袂花如雨
羽人化蝶隨花去
與人下顧笑春紅
春閨一昔生秋容
骨齊熊耳君知否
花豔春暉不經久
羽衣一拂千萬春
春花隨蕊齊崑崙
虞美人草詞

七夕宮詞

內人拜月金鋪戶
鳳宿梧枝秋葉下
露華入袂玉階寒
織署錦工催祭杼
月下金鈿照骨明
同心絲繪紅生縷
素瓜碧寶上華樓
夜闌颺馭下銀州

御選元詩

卷五 陳樵

二

石溪歌 為石漢和尙作

石溪一滴水
本自明河來
明河倒瀉箕尾溼
千里萬里喧風雷
小龍挾向雲間過
水滑瓢欹誤傾隨
蒼崖一息裂清泉
似是巨靈新擘破
南州衲子天下奇
夜撈鐵笛欲渡之
珠船照耀明月冷
赤手拾得珊瑚枝
又復揚鈴向東去
直到衆流歸一處
東方火發海影紅
金烏飛上扶桑曙

丁復

寶鴨曲

銅池織風翠波躍
睡足暖煙飢不啜
重簾未厭雲水姿
華屋清深寄閒絕
生珠剥花紅錦翅
枯咽半濕薔薇水

寶燈夜縣瑠璃光恍若澹在滄浪裏方筵慢舞得嬌饒
指痕膩捺羅紋細就中恐有絕纓人誤識韓郎衣上氣
古聞烏化之言豈虛語願學飛仙作雙去

月灣釣者歌

月灣釣者天與閒長日釣魚明月灣黃昏坐到月上山
天低月高人未還月圓在天半在水明月灣頭人所喜
先生月灣家密邇坐釣明月那可已波神起笑弄明月
月滿波心魚撥刺柔繆搖月寒餌沒爛月錦鱗魚上出
得魚叩月喚鄰家煮魚和月吞香霞舉杯月來金滿花
酒光蕩月天無涯杯痕倒瀉月入腹月興惱人清不足
杯空仰天月照目顧影翻憐月孤獨夜深月冷霜滿天
御選元詩

卷五 丁復

三

勸月不飲月乃延置杯餽月坐月前月謂汝飲天之緣
呼童就月即更酌月故憐人月不落月在憂來無處著
但恐尊空月相却豈不知曹老瞞明月可掇憂無端豈
不聞嚴家灘漢月不滿羊裘寒非熊辭月就西伯夜夜
渭川空月白來如明月灣頭客釣月取魚賒酒喫忽自
笑把酒問月者何如古人今人月在諸金尊照月長不
虛胡爲捉月騎鯨魚青溪好月連江湖迴環九曲月若
鋪我今亦願爲月灣釣者徒磯頭展席爲月沽酒後耳
熱醉舞明月歌鳴鳴

次韻西湖竹枝歌三首

上塘楊柳下塘陰阿郎愛人不愛金塘水西流東入海

水深不似阿儂深
柳葉如眉枝似腰贈郎輒挽最長條條長即與儂心遠
不是為儂春態嬌

錢唐潮來兩岸平錢唐潮落江月明錢唐女子新樓閣
夜半吹簫鸞鳳鳴

王虎臣

繅絲行

輸班輪機旋若風吳姬拮据無好容神蠶遭烹不自悔
以死利世功無窮當空一縷如抽雪宛轉縈紆無斷絕
誰知中有長恨端心事從今為君說車聲愈急絲愈永
止妾愁腸猶易盡去年絲成盡入官弊衣不足常辛寒
御選元詩

卷五

丁復

王虎臣

汪鏞

四

汪鏞

戍婦詞四首

兩地魂消萬里愁君猶荒戍妾空樓去時勲業無情鏡
留與歸人照白頭

象尺金刀對玉缸團花裁破鷓鴣雙沙場爭信深閨夜
忍淚縫衣月滿窗

嬋娟霜月照荒垣妾擁重衾尚怯單況是玉門關外雪
夜深沙漠鐵衣寒

塞邊無鴈可傳書
門外無山可望夫
獨有柳營千里月
素娥深夜伴人孤

薩都刺

白翎雀

淒淒幽雀雙白翎
飛飛只傍烏桓城
平沙無樹巢弗營
雌雄爲樂相和鳴
君不見舊日輕盈舞
紫燕鴛鴦鎖老
昭陽殿風暄芍藥春
可憐露冷芙蓉秋莫怨

燕姬曲

燕京女兒十六七
顏如花紅眼如漆
蘭香滿路馬塵飛
翠袖籠鞭嬌欲滴
春風淡蕩搖春心
錦箏銀燭高堂深
繡衾不暖錦鴛鴦
夢夢紫簾垂霧天
沈沈芳年誰惜去
如水流

御選元詩

卷五

薩都刺

五

春困著人倦梳洗
夜來小雨潤天街
滿院楊花飛不起

吳姬曲

皎皎紅羅幕
高高碧雲樓
娟娟一美人
炯炯露雙眸
郎居柳浦頭
妾住鶴沙尾
好風吹花來
同泛春江水

洞房曲和劉致中負外作

峭寒暗襲雲藍綺
鮫帳愔愔夜如水
美人骨醉紅玉輦
滿眼春酣不忺起
幽禽關關喚霜曙
金壁屠蘇溢香霧
有生只合老溫柔
璧月長教挂瑤樹
鴛鴦同心暗中結
滿意芳蘭暖紅雪
癡雲駭雨自年年
不管人間有離別

江南樂

江南樂
春水紅橋滿城郭
出門不用金馬絡
門前畫船

如畫閣綠紗虛窗春霧薄隔窗蛾眉秋水活翡翠冠高
羅袖閣楚舞吳歌勸郎酌紫竹瑤絲相間作船頭柳花
如雪落船尾翠旗風綽綽秉燭夜遊隨處泊人生無如
江南樂

江南怨

江南怨生男遠遊生女賤十三畫得蛾眉成十五新妝
識郎面識郎一面思猶淺千金買官遊不轉儂家水田
跨州縣大船小船過淮甸買官未得不肯歸不惜韶華
去如箭楊花撲簷飛語燕疎兩梧桐閉深院人生無如
江南怨

漢宮早春曲

御選元詩

卷五

薩都刺

六

女夷鼓吹招搖東羲和馭日騎蒼龍金環寶勝曉翠濃
梅花飛入壽陽宮壽陽宮中鎖香霧滿面春風吹不去
鞭却靈輶駕五山芙蓉夜暖光闌干雞人一唱曉星起
四野天開春萬里

王孫曲

內家楚楚諸王孫白馬金鞍耀晴日尊前細樂耳厭聞
世上閒愁生不識宮袍裁成五色雲珍珠簇就雙龍紋
衣裳光彩照暮春紅靴著地輕無塵翠樓珠箔玉鉤挂
腸斷宮腰無一把海棠花下晝聞鶯太液池邊春洗馬
千枝萬枝桃杏花紅花枝飄香薰酒中歸來月落酒未醒
有詔早入明光宮

蘭皋曲

溪水長涵幽草芳春溪露滴蘭葉光美人日暮采蘭去
風吹露濕芙蓉裳芙蓉爲裳蘭結珮玉立亭亭臨水際
天寒袖薄人不知疎雨蘭若鳴翡翠幽蘭日日吹古香
美人不來溪水長

新夏曲

紅泣香枯怨流水夜放籜龍千尺尾風生宮樹曉層層
涼綠一簾收不起煙乾寶鴨白晝清祝融緩轡行且停
薔薇花深霧冥冥碧窗睡起香滿牀

芙蓉曲

秋江渺渺芙蓉芳秋江女兒將斷腸絳袍春淺護雲暖
御選元詩

卷五

薩都刺

七

翠袖日暮迎風涼鯉魚吹浪江波白霜落洞庭飛木葉
盪舟何處采蓮人愛惜芙蓉好顏色

梳頭樂府

紅綃捲袖搖劒聲摩挲睡眼窺秋菱陽臺夢斷不知處
一片烏雲愁欲傾一鈎新月掀雲起月漸低流麻草地
玉纖盤轉戲龍形寶釵壓定飛鴉翅撩春撥曉誇自然
黃金雙燕珍珠蟬白頭老嫗低低笑不覺婆婆二八年

蕊珠曲

芙蓉城裏白玉樓冰簾倒挂珊瑚鈎玉人晏坐太清室
蛾眉不鎖人間愁彩橋東畔楊花轉飛入三天紫清殿
仙裳日暖藕絲香燕語鶯啼動幽怨天風泠泠吹珮環

霞冠不整偏雲鬢蕭郎風骨何可得紫簫赤鳳遊雲間
瑤臺午夜霜華瑩羅襪生寒冰一寸錦屏甲帳蕊珠新
雲房火鼎芽嫩天台仙子淡淡妝桃花洞口逢劉郎
巫山神女弄雲兩人去楚臺空斷腸步虛聲斷闌干外
春去秋來顏色改東風吹老碧桃花深院無人夜如海

相逢行贈別舊友治將軍

并序

予遷官出閩舟行抵興田驛二十里許俄聞擊鳴
金鼓應響山谷間隨見旌旗導前兵卒衛後中有
乘馬者毳袍帕首徐行按轡屢目吾舟吾病久氣
餒不能無懼心也頃之興田驛吏以行輿見迓遂
舍舟乘輿嚮之旌旗兵卒移導輿前馬從輿後輿

御選元詩

卷五 薩都刺

八

行馬鳴途中未敢交一語迫暮至邸舍燭光之下
毳袍者進曰某乃建之五夫巡檢官聞使君至候
此將一月矣某嘗三識使君面自都門一別今已
五載使君豈遺忘之邪僕驚謝曰將軍何人也荅
曰某即使君舊友雲中也熟視久之恍如夢寐雲
中復能紀余闕下丰采時否邪歷歷關河舊遊如
隔世乃對燭光夜道故舊明日復同遊武夷九曲
煮茶酌酒臨流賦詩出入丹崖碧嶂間心與境會
天趣妙發長歌劇飲相與爲樂酒闌興盡秋風淒
淒落木兩下閩關在望復作遠行子始見君而懼
次得君而喜終會君而樂又得名山水以發揮久

別抑鬱之懷樂甚而復別別而復悲悲復繼之以
思也嗟夫人生聚散信如浮雲地北天南會有相
見因賦詩復爲相逢行以送之

一年相逢在京口笑解吳鉤換新酒城南桃杏花正開
白面青衫鞭馬走一年相逢白下門短衣窄袖呼郎君
朝馳燕趙暮吳楚逸氣自覺凌青雲一年相逢在闕下
東家蹇驢日相假有如臣甫去朝天泥滑沙堤不敢打
都門一別今五年今年相逢滄海邊千山木葉下如雨
鴈聲隨地秋連天將軍毳袍腰羽箭擁馬旌旗照溪面
小官不識將軍誰臥病孤舟強相見豈知此地逢故人
摩挲老眼開層雲舊遊歷歷似隔世夜雨豈不思同羣
御選元詩

卷五

薩都刺

九

郎君別後瘦如許無乃從前作詩苦溪頭月落山館深
翦燭猶疑夢中語人生聚散亦有時且與將軍遊武夷
弓刀挂在洞前樹洞裏仙童來覓詩稽首武夷君借我
幔峰頂分我紫霞漿與子連夜飲左手招子喬右手招
飛瓊舉觴星月下聽吹雙鳳笙我酌一杯酒持勸天上
月勸爾常照人相逢莫向關山照離別鳳笙換曲曲未
終天風木杪吹晨鐘拂衣罷宴下山去又隔雲山千萬
重

練湖曲

練湖七月涼雨通白水蕩蕩芙蓉紅芙蓉紅盡早霜下
鴛鴦飛去何匆匆茜塘女兒弄輕碧鳴榔聲斷無消息

清波小藻出銀魚落日吳山秋欲滴望湖樓上雲茫茫
鳥飛不盡青天長丹陽使者坐白日小吏開罌官酒香
倚闌半醉風吹醒萬頃湖光落天影挂冠何日老江南
短褐綸巾上漁艇

終南進士行和李五峯題馬麟畫鍾馗圖

老日無光霹靂死玉殿咻咻叫陰鬼赤脚行天踏龍尾
偷得紅蓮出秋水終南進士髮指冠綠袍束帶烏靴寬
赤口淋漓吞鬼肝銅聲剝剝秋風酸大鬼跳梁小鬼哭
豬龍飢嚼黃金屋至今怒氣猶未消鬚戟參差努雙目
桃源行題趙仲穆畫

長城遠築阿房起黔首驅除若螻蟻誰知別有小乾坤

御選元詩

卷五

陸都刺

十一

藏在桃花白雲裏桃花重重間白雲洞門鎖住千年春
男耕女織作生業版籍不是秦家民桑麻雞犬村村屋
流水門牆映花竹無端漁父綠蓑衣帶得黃塵入幽谷
主人迎客坐茅堂共話山中日月長但見花開又花落
豈知世上誰興亡明朝漁父歸城市回首雲山若千里
再來何處覓仙蹤恨滿桃花一溪水

戲贈王本中柳枝詞

日高燕語捲簾遲獨倚東風看柳枝三月柳花飛欲盡
遠人涼露未歸時

鞦韆謠

寒梅零落春雪灑蕭娘腰瘦無一把澹黃楊柳未成陰

何人已繫青驄馬畫樓深處迎春歸鞦韆影裏紅杏肥
濛濛花氣濕人面東風吹冷輕羅衣衣上粉珠流不歇
暗解翠裙花下摺殷勤莫遣燕子知會向人間報風月
補闕歌

錢塘三日風雨急古銅夜光飛霹靂是知神物出人間
猶帶吳宮土花碧玉橋素練懸銀河支機女兒飛鳳梭
蝦鬚風軟亂織影春水日晴生潮波破窗冷硯留不得
零落江南酒家客狂歌索酒仰面歌誤擊紅籌唾壺裂
何人進入蓬萊宮銀屏碧幕珠簾重此生補闕亦何用
玉龍瀉水流芙蓉

越溪曲

御選元詩

卷五

薩都刺

十一

越溪春水清見底石罅銀魚搖短尾船頭紫翠動清波
俯看雲山溪水裏誰家越女木蘭橈髻雲垂耳溪風高
采蓮日暮露華重手滴溪水成蒲萄盈盈隔水共誰語
家在越溪溪上住蛾眉新月破黃昏雙櫓如飛翦波去

黯淡灘歌

長灘亂石如疊齒前後行船如附蟻逆湍衝激若登天
性命斯須薄如紙篙者倒挂牽者勞攀崖仆石如猿猱
十步欲進九步落後灘未上前灘遭上灘之難難於上
絕壁雖有孟賁難致力灘名況復呼黯淡過客攢眉增
歎息下灘之舟如箭飛左旋右折若破圍歡呼踏浪櫂
歌去晴雪灑面風吹衣飛流宛轉亂石隘奔走千峯如

馬快賈客思家一夕還傳語灘神明日賽下灘之易易
如盤走珠瞬目何可停斯須長風破浪快人意朝可走
越暮可吳迺知逆順有如此逆者悲愁順者喜請君聽
我黯淡歌順則流行逆須止順者不必喜逆者不必愁
人間逆順俱偶爾且得山水從遨遊

征婦怨

有柳切勿栽長亭有女切勿歸征人長亭楊柳自春色
歲歲年年送行客一朝羽檄風吹煙征人遠戍居塞邊
麟驍車馬去如箭錦衾繡枕難留戀黃昏寂寞守長門
花落無心理鍼線新愁暗恨人不知欲語不語顰雙眉
妾身非無淚有淚空自垂雲山煙水隔吳越望君不見

御選元詩

卷五 薩都刺

七

心愁絕夢魂暗逐蝴蝶飛覺來羞對窗前月窗前月色
照人寒遲遲鐘鼓夜未闌燈闌有恨花不結妝臺塵慘
恨班班半生偶得一錦字道是前年戰時苦一朝血杵
煙數除腰間斜挂三珠虎妾心自喜還自驚門前忽聞
凱歌聲錦衣繡服歸故里不思昔日別離情別離之情
幾青草鏡裏容顏為君老黃金白璧買嬌娥洞房只道
新人好

竹枝詞

湖上美人彈玉箏小鷺飛度綠窗櫺沈郎雖病多情在
倦倚屏山不厭聽

葛邏祿迺賢

京城燕

京城燕子三月盡方至
甫立秋即去有感而作

三月京城寒悄悄燕子初來怯清曉河隄柳弱冰未消
牆角杏花紅萼小主家簾幕重重垂銜芹却向檐間飛
托巢未穩井桐墜翩翩又向天南歸君不見舊時王謝
多樓閣青瑣無塵卷珠箔海棠花外春雨晴芙蓉葉上
秋霜薄

月湖竹枝詞題四明俞及之竹嶼卷

絲絲楊柳添鵝黃桃花亂開臨水傍隔岸誰家好樓閣
燕子一雙飛過牆

水仙廟前秋水清芙蓉洲上新雨晴畫船撐著莫近岸
一夜唱歌看月明

御選元詩

卷五

葛邏祿通賢

三

梅花一樹大橋邊白髮老翁來繫船明朝捕魚愁雪落
半夜推篷起看天

新月行

江南小兒不識愁新月指作白銀鉤家人見月更歡喜
卷簾喚我登高樓三年留滯京華裏滾滾黃塵馬頭起
一番見月一番愁歸心夜逐東流水在家不厭賤與貧
出門滿眼多故人誰念天涯遠遊客只有新月能相親

行路難

行路難難行路黃榆蕭蕭白楊暮槍竿嶺上積雪高龍
門峽裏秋濤怒嗟峨虎豹當大關蒼崖壁立登天難千
車朝從赤日發萬馬夜向西風還鑑湖酒船苦不蚤遼

東白鶴歸華表夜雨空堦碧草深落花滿院行人少世
情翻覆如秋雲擔天歎血徒紛紛洛下爭迎蘇季子淮
陰誰識韓將軍行路難難行路白頭總被功名誤高樓
昨夜歌舞人丹旌曉出東門去子午谷終南山青松草
屋相對閒拂衣高歌上絕頂請看人間行路難

塞上曲五首

秋高沙磧地椒稀貂帽狐裘晚出圍射得白狼懸馬上
吹笳夜半月中歸

雜沓瓊車百輛多五更衝雪渡灤河當轅老嫗行程慣
倚岸敲冰飲橐駝

雙鬢小女王娟娟自卷瓊簾出帳前忽見一枝長十八

御還元詩

卷五 葛羅祿西賢

古

折來簪在帽簷邊

長十八
草花名

馬乳新桐玉滿餅沙羊黃鼠割來腥蹋歌盡醉營盤晚
鞭鼓聲中按海青

烏桓城下雨初晴紫菊金蓮漫地生最愛多情白翎雀
一雙飛近馬邊鳴

古鏡篇寄韓與玉

古鏡團團似秋水美人當窗正梳洗芙蓉涼月鬪嬋娟
默默自憐還自喜朝來開匣忽淒然一痕微雪映華鈿
却恨東風惜桃李年年開傍鏡臺邊粉髭拭鏡還清澈
佳人薄命空愁絕不如化石在山頭萬古千年照明月

孔林瑞槐歌 并序

先聖墓林古槐一章枝幹偃蹇膚理若鐫刻篆籀
龍鳳細如絲髮雖善畫者莫能狀其奇巧襲封行
聖公愈加培植見者咸加敬愛因以紀瑞云

闕里陰陰槐樹古百尺長柯挾風雨密葉蟠空擁翠雲
深根貫石流瓊乳蒼皮皴蝕紋異常天成篆籀分毫芒
游絲縈錯科斗亂雲起飛動龍鸞翔嬴秦書焚士坑僂
幾歎遺經藏壁屋千年聖道復昭明喜見文章出嘉木
神明元胄嗣上公雨露滋沐深培封清陰如水石壇靜
彈琴樹底歌薰風

射虎行

并序

荅祿將軍世爲乃蠻部主歸國朝拜隨穎萬戶平

御選元詩

卷五

葛邏祿西蹟

五

金有功事載國史其出守信陽射虎之事尤偉曾
孫與權舉進士爲祕書郎官與余雅善間言其事
因徵作歌

將軍部曲瀚海東三千鐵騎精且雄久知天命屬真主
奮身來建非常功世祖神謨涵宇宙坐使英雄皆入彀
十年轉戰淮蔡平帳下論功封太守信陽郭外山嵯峨
長林大谷青松多白額於菟踞當道城邊日落無人過
將軍聞之毛髮豎拔劍誓天期殺虎彎弓走馬出東門
傾城來看誇豪武猛虎磨牙當路睥目光睽睽斑尾搖
據鞍一吐雙背裂鳥飛木落風蕭蕭金弰瑀弓鐵絲箭
滿月弦開正當面雕翎射沒錦毛摧厓石崩騰腥血濺

萬人歡笑聲震天剖開一鑊當心穿父老持杯馬前拜
祝公眉壽三千年將軍立功期不朽奇事相傳在人口
可憐李廣不封侯却喜將軍今有後承平公子祕書郎
文場百步曾穿楊咫尺風雲看豹變鳴珂曳履登朝堂

新隄謠

并序

近歲河決白茅東北汜濫千餘里始建行都水監
于鄆城以專治之少監蒲從善築隄建祠病民可
念予聞而哀之乃為作歌

黃河決道時有清水先流至名曰
漸水曹濮之人見此水皆遷居高

丘預
避

老人家住黃河邊黃茅縛屋三四椽有牛一具田一頃
藝麻種穀終殘年年來河流失故道墊溺村墟決城堡

御選元詩

卷五

葛邏祿迺賢

二六

人家墳墓無處尋千里放船行樹杪朝廷憂民恐為魚
詔蠲徭役除田租大臣雜議拜都水設官開府臨青徐
分監來時當十月河冰塞川天雨雪調夫十萬築新隄
手足血流肌肉裂監官號令如雷風天寒日短難為功
南村家家賣兒女要與河伯營祠宮陌上逢人相向哭
漸水漫漫及曹濮流離凍餓何足論只恐新隄要重築
昨朝移家上高丘水來不到丘上頭但願皇天念赤子
河清海晏三千秋

劉舍人桃花馬歌

青絲駿馬桃花色翠鞍玉轡黃金勒奚奴牽出不敢騎
道上行人爭愛惜往時曾遇李將軍汗流赤血氣如雲

朝刷黃河暮南粵沙場百戰成奇勳歸來無心伏槽櫪
頓轡長鳴思奮力東家白面繡衣郎千金買去遊南陌
昨朝校獵向城隅萬人爭說天下無夜歸不怕霸陵尉
玉鞭醉打蒼頭奴畫燭銀屏歡徹曙一朝金盡賓朋去
可憐騎馬屬誰家斷韉猶繫階前樹君不見西家款段
三十年青芻滿櫪菽滿田老翁不識城下路騎看射獵
南山邊

羽林行

羽林將軍年十五盤螭玉帶懸金虎黃鷹白犬朝出遊
翠管銀箏夜歌舞珠衣繡帽花滿身鳴騶斧鉞驚路人
東園擊球誇意氣西街走馬揚飛塵湖南昨夜羽書急
御選元詩卷五 葛邏祿酒賢
詔趣將軍遠迎敵寶刀鏽澀金甲寒上馬彷徨苦無力
美人牽衣哭向天將軍執別淚如泉安得天河洗兵甲
坐令瀚海無塵煙君不見關西老將多戰謀數奇白髮
不封侯據鞍矍矍尚可用誰憐射虎南山頭

賣鹽婦

賣鹽婦百結青裙走風雨兩花灑鹽鹽作鹵背負空筐
淚如縷三日破鐺無粟煮老姑飢寒更愁苦道傍行人
因問之拭淚吞聲爲君語妾身家本住山東夫家名在
兵籍中荷戈崎嶇戍吳越妾亦萬里來相從年來海上
風塵起樓船百萬秋濤裏良人賈勇身先死白骨誰知
填海水前年大兒征饒州饒州未復軍尚留去年小兒

攻高郵可憐血作淮河流中原封裝音信絕官倉不開
口糧缺空營木落煙火稀夜雨殘燈泣嗚咽東鄰西舍
夫不歸今年嫁作商人妻繡羅裁衣春日低落花飛絮
愁深閨妾心如水甘貧賤辛苦賣鹽終不怨得錢糴米
供老姑泉下無慚見夫面君不見繡衣使者浙河東采
詩正欲觀民風莫棄吾儂賣鹽婦歸朝先奏明光宮

王沂

春愁曲

花房泣露珠滴紅繡屏金鴨香濛濛鸚鵡喚遲梳洗晚
遊絲撲蝶飛燕懶蕊粉染黃塗額好赤心莫擘庭前棗
虬鬚公子射麋歸望覺雄心醉中老別起高樓連苑東

御選元詩

卷五

葛蓮祿迺賢

王沂

六

送春詞

黃金臺下東西道紫燕矜誇銀勒好長溝漾晴晴不盡
碧草迷人人易老樓上迎春又送春邯鄲女兒嬌翠輦
一聲鶗鴂鳴鳳城曙滿眼芳洲生白蘋柔桑繞舍麥如尾
錦雉將雛梅結子為問歸耕海上田何如但索長安米

李將軍行

隴西將軍年少時雕弓錦帶生光輝卷旂夜斫樓蘭帳
赤鞍晝截雙鷗飛曾經百餘戰屢出九重圍橫行遼水
上殺敵榆關歸戎樓霧暗烽火滅沙場雪深救兵絕人
渴斧冰飲馬寒抱鞍歇漢月凍欲死北風利如切魚腸

寶刀斷燕尾，螯弧裂歸來。藍田空白首，鐵衣換飲新。豐
酒酒酣射石沒，金鏃夢裏鳴。笳雜刁斗，昔時偏裨皆奏
功。侯印佩出甘泉宮，客來問著塞垣事。時時撚箭送飛
鴻，西方太白光。隋地中夜悲，歌增意氣漢。家定起李輕
車，未用先誅霸陵尉。

陳旅

車搖搖送方叔高之官

車搖搖，薊門路高麗。驕馬不受鞭，方郎得官上車去。薊
門南頭盧水流，燕姬十五居酒樓。彈箏唱歌折楊柳，落
日車前勸郎酒。南陌行人往復來，幾人似郎得官回。郎
車莫驅傷馬足，車中本載連城玉。車搖搖，鄔子洲賣車
御選元詩

卷五

王沂

陳旅

趙期頤

元

買船載旗鼓，晴湖風輕聞。權謳

趙期頤

折楊柳送方叔高

楊柳青青春水生，借問行人行未行。雕弓在弣馬騰櫪
家住湓江江上城，柔條好拂江頭路。千縷萬縷牽情緒
馬上郎君新得官，阿誰解使留春住。留春住春欲歸江
南江北柳花飛，柳花飛渡江水遮。莫東風吹不起

方積

潭上花

幽潭太古色，上有千樹華。深根溉甘泉，衆實結丹砂。食
之可長生，千秋顏若花。縹緲潭上仙，種此遺其家。安期

日往來時乘紫雲車

田中爵

家爵不入山野鼠不戀屋爵來食我苗鼠來食我粟一
日食一斗十日食一斛斗斛日空虛鼠爵焉得足

七夕詞

織女女有夫牛郎郎有妻可惜不相守夜夜河東望河
西一歲纔一會會合一何稀吾聞河西有田郎可犁雲
中織錦女有機胡不一耕一織長相隨長相隨無別離

吳山高題畫

吳山高吳水深吳水住宅在山陰吳僧更愛山頂好剔
掃白雲種瑤草吳山高何迢迢吳門日夜生春潮吳兒
御選元詩

卷五

方積

李洄

二

作船住船裏日日吳門弄潮水

李洄

漢陽郎官湖歌

山翁薄暮醉酒歸杖藜迷却高陽池清風吹花綠陰倒
我笑謂是秋雲移還乘貫月查夜過郎官湖崢嶸星斗
入江漢蕩漾槎影如鯨魚九華之真人邀我倒玉壺麒麟
擘脯供行廚依稀仙樂在空際碧山四映寒蟾孤舉
酒酌寒蟾明月下飲嫦娥俱霓裳拂雲錦萬荷露瀉瓊
瑤珠麾幢掩靄羅煙空乃有玉皇所授之玉童風前飄
飄曳廣帶對立十二秋夫容清香九曲銀河通真人綠
髮披天風錦袍玉雪照天地口說姓字安南公是公多

逸氣略與古昔賢豪同時能掃月色延我石室煙蘿中
又言昔同張謂所遊地長嘯一覆丹霞鍾風吹仙樂度
溪去我已醉臥香爐峰

舞姬脫鞵吟應制

吳蠶八繭鴛鴦綺繡擁彩鸞金鳳尾惜時夢斷曉妝慵
滿眼春嬌扶不起侍兒解帶羅幃鬆玉纖微露生春紅
翩翩白練半舒卷筍籜初抽弓樣軟三尺春雲入手輕
一彎新月凌波淺象牀舞罷嬌無力鴈沙踏破參差迹
金蓮窄小不堪行自倚東風玉階立

裴公亭吟

朝遊鴻濛津暮出天壇東手把天符書笑逐黃眉翁
御選元詩

卷五 李洞

三

行宛若飛空龍條爍萬里生星虹翻然為我一揮霍樓
觀盡入青冥中是中泉石秋玲瓏泉下禹穴滄溟通長
林月色散輕霧潭影下燭玻璃宮坐來況值青春暮一
日千蛾獻歌舞水殿風翻鳳髓香濃綠迨迨出廊廡宮
牆亦有裴公亭溪毛映水連錢青飲酣起舞岸巾嘯太
行落日春冥冥太行西來幾千里我自南來浙江水浙
江潮回不寄君只憶橫空紫煙起岸煙起空氤氳不煩
擊石呼將軍我行慷慨謝公去更欲長揖南溟君會稽
山上落花裏扶攜醉入千峯雲

劉致

秋雨吟

濕雲閃光飛不起八尺風漪夜如水仙姝不眠肌骨清
起馭夜涼吹玉笙曲中忽作孤鳳鳴天帝感泣秋雨零
早龍喝死嗟莫及坐見扶桑落日濕前溪水高龍夜吟
不管西郊老龍泣

淮南歌

甓社湖中出明月斯須千山萬山白燭龍馳影不敢眠
淮土風煙黯無色鼃鼃起啼鰕鱧舞荷風驚濤戰南浦
湖天無光湖水立夜半行空洒飛雨東方搖搖天欲曙
畢逋啼老扶桑樹淮天悠悠澹空素老蚌潛輝寂無處

古采蓮曲

長安女兒淑且濃日日采蓮溪水中笑插荷花照溪水

御選元詩

卷五

劉致

王瓚

三

韶容欲與花爭紅溪中荷花深幾許溪溪時時聞笑語
紅酣綠縵不見人應在荷花更深處歸時夜涼溪水清
扣舷踏歌蕩槳行荷花蓋頭花盞鬢溪上月明潮已平

王瓚

白苧詞

天風吹雲雲亂飛海波漾日揚清輝雲飛度嶺日當戶
知是人間春早歸青樓珠箔深幾許樓中美人愁不語
情懷易感時易遷羞見溪頭柳如縷金刀翦就白苧衣
錦書裁就白苧詞碧天無際鴈聲遠此恨綿綿春得知

傅若金

楚漁父渡伍胥辭劍圖歌

江有阻兮路有歧時將迫兮來何遲子弗渡兮我心悲
既渡子兮我何以劒爲吁嗟行兮子毋我疑

歸來三曲送李建中

月皎皎兮河漢長黃鸝在天兮招我以翱翔天氣涼兮
夜未央援鳴琴兮託宮商商聲作兮風撼撼歸來兮天
路杳渺不可以終極

月皎皎兮夜既寒白露下兮衣裳單南風一去兮何時
還援鳴琴兮曲再彈曲再彈兮天地爲秋歸來兮清都
之上不可以久留

月皎皎兮寒風作猿啾啾兮怨鳴鶴常恐秋遂爲冬兮
羣物以蕭索援鳴琴兮忽不樂忽不樂兮思吾土歸來

御選元詩

卷五

傅若金

三

兮山中之人不可以無父

少年行

長衢若平川輕車馳流波上有都人子明肌豔朝霞芳
塵揚遠風白日耀舞羅少年輕薄兒調笑相經過狎坐
酌美酒日暮酣且歌千金聲一笑豪右焉能加時俗誇
朱顏美女悅春華春華豈不好遲暮當如何

琵琶怨

美人揮哀絃上客歎蛾眉急響多悲思孰知心所之感
昔奉綢繆不言生別離擔將桃李顏結君長相思如何
雙棲翼中路忽乖睽不怨歡會難但恐恩愛虧含情莫
回顧中曲多苦辭君子苟不聽賤妾欲何爲

猛虎行

長林瑟瑟多悲風，猛獸引子戲林中。白晝橫行動山谷，周遭十里無麋鹿。路暗樵夫畏獨歸，行人愁向山家宿。近山日日取牛羊，更齧居民橫路傍。民要耕田給倉庾，官家得知射殺汝。

賦得秋夜長送方叔高二首

秋夜長長如歲長，如歲尚可夜涼薄。人不能寐羣鴈各南翔，一鳧尚北飛團團。素明月流光照我衣，當歌正激烈慷慨送將歸。丈夫成名微亦足，焉能終夜悲刺促。秋月皎皎夜何長，念君客游思故鄉。當壚美人惜年芳，長夜起舞歌清商。歌清商送急管為君酌，美酒請君勿御選元詩。卷五 傅若金

御選元詩

言

短

渾沌石行

九江方叔高得武侯八陣磧中小石于其處白質而黃章狀若雞子字曰小渾沌揭藝文為作渾沌公傳云

渾沌以來不可數萬八千歲，生盤古網緼乃在卷石間。光怪潛通落星渚，來從魚腹人盡訝。坐念武侯心獨苦，八陣圖成泣鬼神。三江石轉凋寒暑，蒼波噴浸圓且堅。雞子結成生理全，久當化鳥非為怪。大未成羊亦可仙，玉精隱月相照射。金液流霞紛繞纏，輕清已判中黃外。元氣猶涵太素前，英雄事往唯存石。天衡地軸今誰識，江上嘗疑霧雨寒。坐中歛恐風雷黑，摩挲直如見溟滓。位置豈肯同沙礫，長路相將拂劍隨。天陰勿使精靈得。

白苧詞

白苧白白如霜美人玉手親自浣製作春衣宜短長春
衣成有時遠行歸無期願君著衣重愛惜風塵變白能
爲黑

憶昔行送雅琥正卿參書南歸參書居閒京師
行中書調廣西選爲靜江同知比上其名中書
正奏授高郵時廣西寇盜而參書母老即移家
歸武昌待次遂作此奉送兼問訊江漢故人

憶昔文皇御天曆知君已是青冥客寶氣經年動斗牛
璇光徹夜通奎壁比來蹇剝人所歎况復貧病家多厄
忽聞除書雙及門老親白髮生顏色秦郵近水足秔稻
御選元詩

卷五

傅若金

三

桂林只今多盜賊待次且食武昌魚攜家不過湘南驛
王祥舊來驅別乘賈誼未久遭前席此時父老怨來遲
他日攀轅會沾臆騏驎那愁九州大鳳皇早恨三山隔
秋浮江漢雲木清夜過淮河月波白新詩屢成知自誦
遠道即見何由得黃鶴樓前遇故人因君爲致長相憶
古杉行題陳兵曹所藏李遵道畫靈隱道中二

杉圖

靈隱道中古杉樹上與雲霧相繆轡李侯一見爲寫真
霜雪蕭蕭起豪末此杉蒼茫幾百年鬼物扶持人所憐
貞心豈容螻蟻蝕老幹或有蛟龍纏山林萬里那得致
見者皆驚棟梁器暗辟尋常度雨聲晴窗彷彿生秋氣

吾聞大厦衆力持此杉誰能久棄之君不見道邊不材木擁腫百圍安所施

東溪行爲除州萬戶楊俊卿作

東溪主者楊將軍少年領兵多樹勲心將富貴同流水
身以承平住白雲聞道雲深是溪處扶桑直對門前路
青山左抱日光迴寒瀑西連兩聲注將軍臨溪樂詩酒
沙鷗水鶴相親久螺羸經年綴鼓鼙蠅蚩盡日蒙刁斗
白團羽扇小綸巾閒攜碁局過比鄰舟中有客時尋戴
花底逢人非避秦人間何所無丘壑車馬憧憧走城郭
紅葉空藏秋渚綠蘿自傍春巖落近者征南兵未休
荒村窮谷多罹憂願移部曲隳殘寇却向溪邊娛碧流

御選元詩

卷五 傳若金

三

秋夜曲

草木搖落鴈南飛文窗皎潔承月輝
淒風入房露沾麻紅顏含彩垂
佩幃簪金鳴玉揚舞衣蘭缸對耀照君闈
遠行胡爲未言歸

天師張太元祈雪歌

至元二年冬不雪天子夙夜憂黎民
官庭擇日詔方士臺觀通天求百神
留侯之孫住龍虎世領祠官列圭組
鳧舄經時謁紫微鳳章半夜飛
元武皇天愛民祈可必臘雪依微應
三日望拜還聞在竹宮受釐忽報臨宣室
天地杳默韜元功賜予紛紜恩數隆
請和六氣輔元化常使九州歌歲豐

禾簇簇題鄒福所藏勤耕圖

禾簇簇禾簇簇去年缺雨今年足人家耕種少得閒一
春強半田中宿塘上水生禾欲齊春禽愛近落花啼出
入無人看門戶野庭一任人來去有時耕罷亦長吟歸
來不記入村深書編從挂牛角上詩卷閑留桑樹陰田
家小心畏法令常願秋租得餘剩鄰翁昨日到城還聞
說官今有新政民間禁馬不禁牛有牛耕田君莫愁

遠將歸

遠將歸恨歸晚通州河頭有船僱行人將歸不言遠人
家生子少離鄉一生長在父母傍自憐出入無年月北
走京師南走越他人富貴輕貧賤一日金多棄鄉縣小
御選元詩

卷五 傳若金

三七

官祿薄何足為得及父母康強時說著還家客心喜此
身雖貧亦不恥

雙劍圖歌

莫邪干將古神劍得水化作雙龍翔斗間寶氣入江滅
波裏金鱗翻日光道人筆鋒如劍利亦能化龍致神異
黑風颯颯濤欲立白日陰陰雨將至忽然逢之不敢窺
爪甲雲氣常淋漓便愁中夜雷霆怒兩龍乘雲盡飛去

戲效子夜歌體二首

種荷深水中日夜期成藕蓮子逐浮萍風波漂蕩久
織錦望成疋終朝不盈尺誰知方寸間千絲萬絲積

古楊花怨

楊花白如雪無事學高飛莫作浮萍草漂零不肯歸

權歌五首

河中日日水悠悠誰道人心似水流河水灣迴有時合
人心屈曲幾時休

待船日日恨船遲船頭水聲無斷時昨夜天清好新月
誰家學得畫蛾眉

攀柳莫攀當路柳繫船須繫上風船當路人行無好樹
上風浪小得安眠

去年船裏逢端午今年船裏又端陽九節菖蒲本仙藥
如何曲曲似愁腸

寧向泥中棄蓮子莫向水上種桃花蓮子出泥終有藕
御選元詩

卷五

傅若金

黃清老

三

桃花隨水不還家

用謝元暉入朝曲分韻送馬中丞赴南臺得收
字就用其體

金陵鬱迢遞行旆暖悠悠蘭臺清露集松庭積靄收白
鷺迴修渚朱鳳矯崇丘離離曳青綬曄曄振彤騶遠甸
芳風散神都旭景浮臨軒結沖想還車寧久留

黃清老

古樂府三首

君好錦繡段妾好明月珠錦繡可為服服美令人愚不
如珠夜光可以照讀書

君好春芍藥妾好夏池蓮芍藥多豔色春風迷少年不

如蓮有實可以壽君筵

絲絲江上草鬱鬱庭中柯人生不相知有如東逝波食
杏猶苦酸食梅當若何衣褐猶苦寒衣葛寒更多豈無
千載友肯聽漁樵歌

古意懷仲章貢侍御二首

娉婷二八女絕色妙難畫新妝薄鉛華照影脩竹下盛
年事夫婿錦玉耀精舍雖非伯鸞妻惓然惜春夜琴餘
月當軒默默倚風榭寄語東家兒紅顏莫輕嫁

梧桐生高岡雲氣涵空清南枝挂孤月上有蒼鸞鳴大
匠揮玉斧渾然合天成置之白玉堂被之弦歌聲一彈
松風來再鼓溪月明子期人已往青山為誰情

御選元詩

卷五

黃清老

于欽

三

于欽

巢湖中廟迎神歌

廣開兮龍宮御仙姥兮下雞籠神靈雨兮先以風雲溶
溶兮漸來東揚朱幢兮建翠旗驂青虬兮從文螭鏘鸞
音兮以下若有人兮開羅帷羅帷淡兮春風儼仙靈兮
在其中集千艘兮鳴鼓疏節歌兮緩舞奠桂酒兮藉蘭
肴折芳馨兮遺遠渚神忻忻兮既安留澤斯民兮受其
嘏

送神歌

駕兩龍兮倚衡捲珠簾兮暮雲平西江兮極浦數峯兮
青青青青兮未極君不少留兮起予太息吹參差兮水

湄送仙姥兮西歸蛾眉颯兮秋霜淡白雲兮莫知所之
自今兮世世俾來者兮願無違

陳德永

鴈蕩吟送秦文學還吳

鴈之蕩兮乃在甌越之野瀛海之堦有萬菡萏鏡青天
東南形勝此其最我嘗著屐周覽于其間厥初宰物孕
雄怪元氣混沌何由穿巨靈運斤鑿鬼竅列缺吐火施
神鞭遂令後爾萬萬古見此錯愕難為言上疑日車解
轡傾側過下恐地軸撓動相鈞牽昨夢尋君拂煙去有
擁芝蓋導我前崩崖旁豁瞰空洞迴谿不定行蜿蜒狂
雷砰訇起何處白龍噴薄飛層巔熊蹲豹擲若怒若啼
御選元詩 卷五 千欽 陳德永 三
霞明霞湧倏閃倏開重重掩掩變化不可以極兮我方
矯首睨立乎雲梯南望海水不滿杯灣環下繞山足來
仰攀玉女駕笑踏飛鸞低羣仙集倒影雜佩中徘徊聳
身直上浩無際海月正挂吹簫臺於焉得深悟扶桑警
天雞蘧蘧驚覺在枕席但聞落葉如雨風淒淒君來謝
我欲西邁惜此不及窮扶攜我知君身有靈氣世上塵
土何能迷推仁擇物本我事成功斂退真奇哉碧桃花
發俟君到勿使引領雙眉摧

胡杕

元旦詞

昨日去矣今日來時節無乃苦相催去者亦何速來者

亦何促晨風東北來吹我堂前燭昨日何舊今日何新
我將舊酒酌彼新人

美人歎

高樓美人一點雪翠袖舞若青天月樓上酒杯乾樓頭
杏花折綠帶鴛鴦雙繡結迎郎未幾送郎別明日新腔
為誰發

高句麗

東人之領如蝸蟻落日唱曲過大堤一曲一傾天下耳
四海齊和高句麗玉轡雕鞍大宛馬醉歸繫在垂楊下
深院薔薇春正濃華燈正照黃金竿

楊鑄

御選元詩

卷五

胡伏

楊鑄

明鏡詞

亭亭青銅鏡似月雲端缺無復照花顏輝光暗消歇憂
來不欲近坐恐生白髮

御選元詩卷第五

御選元詩卷第六目錄

樂府歌行五

霍希賢二首

岑安卿三首

周權十一首

雅琥二首

柯九思六首

李裕五首

韓性一首

葉峴三首

劉詵十九首

御選元詩

卷六

目錄

宋无八首

汪珍五首

洪希文三首

素士元一首

李序四首

章伯亮一首

熊載一首

吳鏌一首

貢九萬一首

貢士林一首

梅頤四首

林景英二首

素正一首

梅德明一首

陶應靄三首

桂元二首

黃真仲五首

周德可一首

李鵬一首

李宗洌一首

吳嵩一首

王東一首

御選元詩

卷六 目錄

歐陽伯恭一首

錙敬一首

潘音一首

王守誠一首

蘇天爵一首

宇文公諒七首

張翥十七首

成廷珪五首

御選元詩卷第六

樂府歌行五

霍希賢

魏文貞公廟迎神曲

吹簫兮擊鼓具牲牢兮列樽俎風颯颯兮降靈祀我公
兮終千古

送神曲

有酒兮惟清有膳兮惟牲神其醉飽兮旣安且寧風馬
靈車兮還古塋福民田兮消蝗螟如貞觀兮永太平

岑安卿

美人行

御選元詩

卷六

霍希賢

岑安卿

一

錦雲罕地春風軟彩鸞影展烏雲綰繡茸慵理怯餘寒
寶鳧煙斷花陰轉露晞香逕苔蘚肥鳳鞋溼翠行遲遲
憑闌無語何所思默看雙螭花間飛

古意

亭亭千歲松起自一寸植苟無斤斧患壽可比金石青
青園中草一雨迴故色清霜忽飄零彫悴在頃刻
寶刀不斷水綫溜可穿石君看城門軌要非兩馬力爲
學不苦心虛談政何益偉哉大禹功猶思寸陰惜

周權

古樂府

妾有嫁時鏡皎皎無纖滓照妾芳華年塗澤如花美郎

行向天涯歲月忽踰紀空閨生遠愁妾容為誰理妾容
匪金石寧復昔時比重拂故匣看炯炯光不巳人情重
顏色反目如覆水願郎待妾心明與鏡相似

古別離

天河限東西經歲別女牛社燕辭歸鴻亦背春與秋人
生苦離別別多白人頭十年阻江漢音問何沈浮豈惟
腸九迴輪轉日萬周君看江頭水東去無回流君看山
上雲來往任悠悠

牧童詞

我牧不憚遠牧多良苦辛所幸牧已狎馴擾無敗羣平
原溼春煙碧草何披紛大牛隱重坡小牛飲芳津旦出
御選元詩

卷六 周權

二

東林行

意行忘遠趣所詣欲登仙絕峽下蒼黑半壁懸銀泉峰
回路不定曳杖聊夤緣延流忽舒曠楮楠影翩聯恬目
靄孤墅洗心翫芳荃永晝無樵斤芳洲愜鷗眠幽迴人
境異似與隱者便巖花映石瀨漁舟起孤煙

相逢吟

客從郢中來抗志青雲表持螯共拍浮江遠孤舟小寒
夜潮氣白楚樹晴烏早酒闌起推篷落月在西島

羸驥行

高秋吹霜沙草衰駟駟牧野無龍媒伶俜羸驥空伏櫪
長稍短豆隨駑駘筋骸高眼如井月冷沙空徒顧影
颯辣長嘶萬里心雄姿困頓無由騁乃知天閑十二屯
如雲龍膺豹股八尺身蹴翻青雲振綠髮金羈照耀皇
都春朝辭天山暮碣石飛電流雲邁無跡風吹欲軋拳
毛駟意氣能傾照夜白短衣奚官霜虬鬚圍養芻粟多
遺餘絕憐羸驥不滿腹翦刷猶可同馳驅我欲進之嗟
遠道神全形枯難自好按圖舉世識驪黃懷哉駿骨秋
風老

次韻褚仲明苦熱行

燭龍銜火飛南陸萬壘雲峰天地窄鯨波沸海泣陽侯

御選元詩

卷六 周禮

三

涸盡泉源爍金石人間何處逃隆暑細葛如裘汗如雨
蒼生隨此深甑中救暍何時命如縷我欲太華峰頭酌
瓊液醉臥青瑤嘯松月明星邀我玉井旁共折芙蓉弄
香雪扶搖直上九萬里高揖盧敖太空裏手攀斗柄睨
塵寰濯足銀河弄秋水

採蓮曲

越溪女郎十五六翠綰香雲雙鳳蹙嫣然一笑似花妍
豔試新妝照湖綠羅衣露浥紅芳秋少年陌上情綢繆
蘭橈容與隔花語驚散鴛鴦生晚愁蓮花莫折莖有刺
藕絲易斷針難度清歌一曲入湖煙空載香風滿船去

古琴漆有蛇蚶紋者材之良也道友攜一琴甚

古謂是零陵湘石枯桐斲成索價三百緡無償
之者戲作湘桐吟

黃鐘沉聲喧瓦缶良材入爨知多少誰栽鳴鳳千年枝
蛇蚶龍紋巧蟠紐澤堅古漆光不磨徽絃不具含雲和
已無伯牙之手子期耳三歎如此湘桐何

雪軒高士以白紵製服作歌戲贈

經冰緯玉紛縱橫三盥寒露方織成曉機裂下不敢翫
一道雪瀑來中庭天然精潔不可浣犀熏麝染慚吳綾
製成素服輕於雪雅稱仙官鏘珮玦星斗離離夜插椽
高興飄飄白銀闕乘風便鞚紫鸞車瓊簫吹落蓬萊月

鴻門宴

御選元詩

卷六

周權

雅琥

四

項王高宴鴻門北風雲奔走天為黑椎牛刺豹酒三行
談笑戈矛生頃刻豈知天命非人謀玉玦三提事何益
興亡漢楚兩干將開闢乾坤雙白壁喑鳴謾說萬人敵
隆準天人竟誰識玉斗聲中霸業空烏江江水還流東

雅琥

大堤曲

郎家大堤上妾住橫塘曲年少結新歡離別豈所欲日
日望郎歸門前春草綠嫁時雙明珠繫妾紅羅襦纂製
遠遊履願諧比目魚路長不可致搔首空踟躕

賦得月漉漉送方叔高作尉江南

月漉漉泥在水送君歸幾千里泥在水月不明執君別

難為情漉漉見月水深泥多飄飄遊子歲暮如何洞庭
霜下木落無波白雲在望鼓柁謳歌念子之來攜書一
束茲焉言歸榮養以祿雄劍在匣弨弓在箠馳騁千里
毋爾局蹙

柯九思

和許彥溫宮詞

暖吹生香花半吐三十六宮傳笑語雕闌並倚弄新春
翠衿不管沾微雨小娃相對學笙簧雲母屏風白玉堂
中貴傳宣日將暮不省秋閨斷寸腸

明月歌送僧東遊

上人忤世祇好遊蹴踏空翠凌清秋時人問之寂無語
御選元詩

卷六

雅號

柯九思

五

明月在天惟點頭吳山越嶠皆明月桂影相隨渡東浙
煩師問訊吾故居山近瓊臺瞰雙闕

閨中詞

階前萱草可忘憂底事王孫尚遠遊却笑去年新種竹
錦棚已露竹根頭

物華生意隔湘簾睡起殘粧思更酣微笑竟穿花畔去
背人低語折宜男

烏夜啼

故宮芳草春日低高林漠漠烏夜啼烏啼不斷愁深閨
萬里封侯安足道玉顏如花夢中老東方欲曙烏飛去
門外落花紅不掃

有所思

雲帆何處是天涯
遼海茫茫不見家
況是園林春已暮
有誰明日主殘花

李裕

洛陽路

劉郎騎馬出南陌
陌上桃花迷馬色
夢逐遊絲看春日
一夜東風杏花白
欲歸不歸思故鄉
燕女緩帶雙鴛鴦
明朝別轡向何處
旭日晴煙洛陽路

青青淇園竹

青青淇園竹
莫作樂中笛
吹出長相思
愁人頭髮白

定情篇

御選元詩

卷六

柯九思

李裕

六

願作雲臺鏡
團圓誓不虧
朝朝綺窗裏
相對畫蛾眉

採蓮曲

長歌短棹滿前溪
溪上鴛鴦對對飛
莫向中流蕩雙漿
水波容易濕人衣

秋千詞

晴光幾日飄遊絲
幽窗小影含綠姿
衛娘新畫雙蛾淺
笑覓秋千下平苑
長繩裊碧垂垂動
盤桓寶髻搖金鳳
華纓雜珮迎緒風
越羅半曳春煙重
紫燕驚飛翠鸞立
行雲欲墜柳花濕
盈盈嬌粉膩巾紅
暖玉團香春一色
穠芳如夢秦蘅老
牆陰榆莢青錢少
整衣重起爲君壽
海潤河清鎮相守

韓性

曹娥廟歌

承荃橈兮桂舟弭靈旗兮中流望四山兮何所映朝陽
兮上浮玉笄兮瓊珮馭青虬兮雲之外采杜若兮江皋
芳菲菲兮未沫渾不極兮海門餞多景兮江濱吹參差
兮屢舞馳玉軼兮續紛雷填填兮拊鼓檜陰陰兮靈雨
波渺渺兮安流神樂康兮終古

葉峴

罷穀稅詩三首

我田之臧兮我稼之昌孰糞茲土兮蜃灰孔良東作旣
殷兮千艘萬檣稂莠不作兮螟或不成是爲土作兮稼
御遷元詩

卷六

韓性

葉峴

七

政之常

我田之腴兮我稼之稠孰糞茲土兮蜃灰是優耕者之
利兮征者之牟孰諭茲蠹兮不我告猷百年之病兮一
日而瘳

顯允許君兮太岳之裔仁人之言兮除我宿弊太山之
陽兮長川之澁老農舉首兮曷報嘉惠請歌我詩兮貽
於世

劉詵

古意

南方有佳人天質辭紅粧素手映輕雪明璫照羅裳二
月千花開笑語春風香盈盈水晶簾丹雲貫疏房自倚

絕世姿鬢鬢不能霜秋葉鳴西樓城烏啼夜涼高節良
自固諒不悲年芳

征夫歎

六月征廣徭塗埃千丈高渡水波沸骨登山汗流刃豺
虎攫疲馬荆棘破長橐賊來多如雲石洞穿千磬鐵甲
日曬火大旗煙漲濤惡溪塞斷骨亂礫紛流膏前年過
流沙苦寒脫鬚毛風裂壯士胄雪積將軍旄人生莫作
軍寒暑相戰塵人生莫作軍性命如蓬蒿君王方神武
狐鼠何足薶但願四郊靜微軀敢辭勞

和東坡四時詞

燕子輕寒生院落佳人自卷猩紅幕樓頭風細隨楊花

御選元詩

卷六

劉誥

八

簾下日長添繡萼纈紋酒暈透瓊肌雙陸初贏笑問誰
閑綰同心當戶立不知花影滿春衣

幕波微皺回廊永酒闌手枕珊瑚冷槐影橫階午簟涼
榴花滿地風簾靜梅酸未試意先輦倦拂琵琶撥未勻
紈扇半開冰盃凍翠禽兩兩下窺人

餅浸雙頭蓮顆綠畫闌閑却青奴竹微涼半下水晶簾
坐看疎螢度高屋夜靜樓風時動扃隔牆一葉落虛庭
血色鴛羅裁未就月明處處起砧聲

燭暗睡輕聞畫角玉盆脂水紅冰薄深屋無風繡幄垂
小餅一片梅花落轆轤隔屋轉伊啞雲母香猊暈宿霞
報道卷簾寒霧重午粧纔試翠鈿花

前采薇歌

我不是西山民采薇不粟哀亡殷又不是周戍卒采薇
禦邊踏霏雪年荒良田三尺塵甑懸銜冷兒號嗔長饑
短錐采薇去東家西家相為羣霜嚴磴滑山路峭月落
颺啼山鬼嘯曉翻石罅得叢根共恨土枯根亦瘦寸根
入手如寸金春烹作餅碎勞薪鹽空菽盡味慘惡空憶
飯甑曾炊銀人言食薇無穀氣五日十日終亦斃今宵
妻孥暫充腹誰料後來死何地我死願隨行兩仙徧傾
大瓢作豐年薇根滿山人不食天下米斗皆三錢

釋枯林鐵如意歌

枯林天台葉西澗丞相之後有才氣能詩
以畫蘭名世頗勇俠或不舟渡水蓋隱於
浮圖者嘗遊京師走馬海子上中飛矢流

血滿鞞不顧殆歐公所稱秘演之儔歟

御選元詩

卷六

劉說

九

君不是金谷園中石季倫明珠買妾長安春錦絲幃障
輕一世珊瑚高株碎如塵又不是黃鶴樓邊王處仲萬
騎上流縱馳鞚狂驪千石發浩歌唾壺敲碎天為動君
是天台丞相之嫡孫胷中八九吞昆侖少年寶玦落荆
棘再拜禪林依世尊手持鐵如意笑傲典午二豪之富
貴良工精髮生碧花古制蟠螭隱元氣木杯不用輕大
江蛟鯨辟易馮夷僵薊門駿馬疾秋鶻飛箭穿髀心如
忘談經說史似支遁四座公卿遜高論古來豪傑多竄
託槁面布衫塵土混畫蘭千紙生秋風賦詩萬卷老愈
工承平智策無所用落魄行遍江湖中嗟哉爾之如意
兮不願為大梁遊俠之袖椎寧落為許行耕野之鉏犁

寶光發匣閭里怪珍重深藏莫輕賣君不見干將莫邪
困豐城化為兩龍飛去延平津利器不識空有神

天馬歌贈炎陵陳所安

所安名泰甲寅以天馬賦領薦下第頗不遇故以此歎之

房精夜隋滢波中驊騮奮出如飛龍昂頭星宮逐枉矢
振鬣雲闕追天風漢家將軍三十六分道出塞爭奇功
當時一躍萬馬盡蹴踏少海霓旌紅韓哀謝輿伯樂去
蹶塊奈此奚官庸十年阜極食不飽雖有駿步難爭雄
春隨錦韉北陵北秋臥衰草東阡東時從駑駘飲沙澗
未免泥滓霑風颯夜寒首宿山谷迴長嘶落月天地空
時平文軌明蕩蕩萬里窮荒無虎帳交河不用踏層冰
裹足山城學馴象吾聞天子之廐十二閑驥駉並收無
御選元詩

卷六

劉說

十

棄放金根雲罕出都門喚取雍容肅仙仗

秧馬歌

天門龍駒來貳師朝燕暮越千里姿折旋蟻封乃不可
彼固信美非吾宜江南二月秧事急水田千畝肩鴈隨
壁間木馬忽湔涕歛若起廢逢明時背輕腹滑騎不蹶
昂昂首尻過高犁方畦廣畎翠分路意會規矩無差池
平生芻豆了不願獨以筋力充人飢驪黃不形牝牡混
跽齧俱泯兒童嬉東家少年輕稼穡千金市駿窮所之
看花九州誇疾走世路險難為期不如田家水土熟
與汝老大長相知借汝襍穢覆塵盆錦韉青絡非汝思

木牛歌

吾聞景升養牛千斤肥椎之不了士卒飢王生號牛八
百里徒瑩蹄角將何爲此猶虛名乏實用負任豪末了
不支何如武侯象其似獨化枯槁爲神奇平生憂人不
自食餉運常飽千里師刳心俛首竭筋力氣象深穩人
誰疑中多抱負外遲鈍論功猶勝狂犢馳雖無奮勞效
耕種尚以微力裨興衰自期中道可不廢雖有捷徑寧
能趨惜哉清渭不可渡不得束載四海隨我嘗讀書論
成敗魏不足控爲吳持江陵蹶羽旆歸郟南衰髮秋
風知前謀旣輕後過重天意蹉跌長如茲浩歌木牛感
豪傑空有遺恨供人詩

憶昔行送李省掾友仁從李龍川平章定寇

御選元詩

卷六 劉說

十一

憶昔韓退之運籌辨幕擒吳兒蔡城夾道拜丞相歸來
却作平淮碑憶昔于公異槩頭露布從東渭文章功業
相久長一語精神照天地兇姦小大雖不同賓主千載
同高風舳艫白鉞航玉虹勁氣欲刻千崆峒丘夷穴踣
九兇斃溪湮壑倒羣蛟窮莠稂薶盡嘉穀在鉏惡樹善
心元工城門夜開燈火鬧童哇婦織村無哨四郊桑麻
與天平彥誦家家施禮教懸知耆老歌盛德鎡斧春風
餘幼少章江水滿牙旗舞勾陳橫空搥大鼓殺牛擊鮮
勞歸旅千斛鷺黃浮甕醕相君黃扉君紫府先生作詩
如吉甫

萬戶酒歌

泰定乙丑具定吳侯來守廬陵議行萬
戶酒申請垂定郡民預喜賦詩相賀

城中禁釀五十年目斷吹秫江東煙官封始運桑落甕
官隸方載嵇山船務中稅增沽愈貴舉盞可盡官緡千
先生嗜飲終無錢指點青旗但流涎今年忽縱萬戶釀
處處爭說邦侯賢富家遶郭買秫田小家盆盞爭濯泉
開城曉避麴車道築室夜斃糟丘塲便將相如舊渴吻
一吸擬盡長鯨川老翁童稚喜欲顛秋醉月下春花前
豐年五穀賤如土市上遊人歌復舞歌復舞邦侯堂有
八裘母共飲蟠桃幾千度春風吹醉九九州公但飲醇
丞相府

織錦歌

南州織錦天下奇家家女兒上錦機蓬萊額黃染萬斛

御選元詩

卷六

劉說

三

渭川茜紅種千畦鳳刀冷淬并江水龍梭細琢炎洲犀
春波雨深淨如練按紅濯黛隨時變高鬢半髮玉腕明
心逐輪絲千萬轉晴漪翠浪舞白鯨細柳高花穿紫燕
青樓臨道起鞦韆胡蝶鴛鴦逐少年月中三郎坐聽曲
海上漢武來求仙窮年翫歲容髮改研精極巧造化憐
陌頭楊花春鳥語東家西家教歌舞燕姬金捍擁四絃
百萬纏頭棄如土人生得意各有命豈無紅顏甘自苦
君不見郭門十里桑柘村蠶婦朝朝踏風雨

沅州竹枝歌二首

人生結交莫如月人生行路莫嫌熱熱當三伏易變秋
月能萬里長隨客

沅人健飯無盤蔬沅土多熱無雞蘇官船自有龍鳳茗
試寫松風斑鷓鴣

秧老歌三首

效王梅邊體江南農夫插秧上下田
長歌相應和其詞似竹枝而加淺直

三月四月江南村村插秧無朝昏紅妝少婦荷飯出
白頭老人驅犢奔

五更負秧栽南田黃昏刈麥渡東船我家麥田硬如石
他家秧田青如煙

春寒風雨來滿川牛蓑走遍東西阡郎君騎馬莫問渡
江頭自有官渡船

宋无

枯魚過河泣

御選元詩

卷六

劉誦

宋无

三

北溟有鯤歎薄崑崙氣吞積石摧禹門過河河水枯蹤
跡困泥塗垂涎向海若能濟涓滴無中流有魴鯉不貸
斗升水巨口走噉喙逆遊莫若魴鯉兮鯉兮爾泣何由
龍伯知決雨津倒天池泝水橫行隨鯢所之揚鱗為謝
魴與鯉還有桃花春漲時

妾薄命

雲母屏琢春冰鮫女織綃蟬翼輕比妾妾薄命比君君
薄情紅綿拭鏡照膽明還疑妾貌非傾城傾城從來有
人妬况復君心不如故故人心尚峯九疑新妾那能無
故時補天天高填海海深不食蓮葍不知妾心

古硯歌

神媧踏雲補天去遺下一團蒼黑天千年萬年乾不得
長帶盤古青紫煙玉工剖天天化石石內星精有餘魄
瑠光發炯成禹辟海王川后輸元液帝青呵霧坤倪溼
匣月不開太陰泣破天殘缺無人補一穴絲絲漏春雨
空藏老石磨今古補天何時與天語

湖上意

晚過鴛鴦浦無心唱采蓮莫嗔蘭漿急為要趁前船

長相思

昨夜相逢處朦朧春夢中遼西書不到莫是戍遼東

寄衣曲

征衣須早寄遙憶橐砧寒莫訝啼痕少相思淚已乾

御選元詩

卷六

宋元

汪珍

十四

江南曲

遙天碧蕩蕩遠草綠悵悵并作相思海春來一擗深

羅噴曲

玉井荷花碧中藏偶意深綠房千萬韻多少可憐心

汪珍

僕射山人山中四時詞

春風破寒入幽谷殘雪消時燒痕綠林花鬪日媚於頰
野巖登盤甘勝肉南漪新淥晴滿湖春來行樂何處無
一樽我欲就花飲花下啼禽能勸沽

草泥聒聒吠螻蝻棗花落盡桐陰密舍南舍北掉綠車
山後山前聞打麥新篁解籜來薰風脫巾露坐雙鬢蓬

清泉白石足佳處人世炎炎如甑中

西風蕭蕭羣木槁天外秋雲淨如掃豆葉半枯鴻鴈來
秔稻俱登雞鶩飽白雲夜下雨霜破籬衰草啼寒蟹
芋魁如盜茭白老牀頭酒熟浮蛆香

千林怒號北風惡塔下紛紛堆敗籜野田日出散牛羊
茅屋天寒喧鳥雀濕雲篔下豆稽灰谷口梅花開未開
明朝積玉深一丈高臥閒門誰復來

陵陽歌

陵陽城頭落日黃陵陽城下水茫茫樓中少婦吹羌管
時有北人思故鄉

洪希文

御選元詩

卷六

汪珍

洪希文

五

飯牛歌

牛吒吒蹄跂跂枯其鬣盡芳草綠自晡薄夜不滿腹擷
菜作糜豆作粥飼飢飲渴兩已足脫紉解銜就茅屋不
愁飢腸雷轆轤風簷獨抱牛衣宿丁男長大牛有犢明
年添種南山曲

煮土茶歌

論茶自古稱壑源品水無出中濡泉莆中苦茶出土產
鄉味自汲井水煎器新火活清味永且從平地休登仙
王侯第宅鬪絕品揣分不到山翁前臨風一啜心自省
此意莫與他人傳

聽琴歌

疎簾曲檻蘋風涼細腰美人藕絲裳神閑意定丰度遠
玉指纖纖彈履霜喬林鶯囀日卓午幽澗泉鳴夜未央
孤鸞別鶴生暗恨毋以冰炭置我腸

袁士元

遊東湖醉中歌

青山偃蹇不可呼我行青山如畫圖蕩舟春波並山去
青山盡處橫陂湖周湖一百二十里湖波極處山孤起
下臨滄海上青天南有浮屠抱山址事幽興集天風來
乘風便欲歸蓬萊憂長未釋天地隘眼闊稍覺心顏開
酒酣重踏孤舟發此興平生活難過橫山西去復清溝
屠蘇巧構林巖幽園翦花春在手蟠迴石磴窮雕鏤
御選元詩

卷六

洪希文

袁士元

李序

六

興盡歸來月猶在盤礴解裝春鬢鬢呼童置酒復徘徊
明月清風如有待臨水軒窗次第開玉山自倒非人推
吁嗟勞生快意少故園茅屋今蒼苔明朝陰晴未可必
攜手重遊定何日借我仙人九節筇直欲拄上太白峯
頭立

李序

遠愁曲

桃李忽已殘穠花逐流水綠堦日色重芳草青靡靡飛
燕銜落花春風共吹起飄散不相知愁心滿千里

綢繆曲送都彥良

天南翔鴈鳴雖離城頭旭日光曛曛長眷公子綢繆客

騎馬乘冰上南陌馬蹄翩翩幾千里江漢水暖遊雙鯉
東風不惜天上春拂柳吹花為君喜綺屏桂燭開洞房
暖紅霏霏明月香三星綽約正當戶流輝照見雙鸞凰
鸞凰不惜雙飛翼天上神仙遠相憶

大堤曲

野塘鶉鶉暖水莢生桂葉莫上大堤行拂人飛蛺蝶門
前弱柳長紛紛水花漠漠飛雲暖柔條自有煙露色不
如愁死堤上人劉郎肉薄愁心重天上離鸞思別鳳春
風搖蕩本無根種得桃花繞新夢

曲江芙蓉歌

綠波夭矯如龍尾河漢英英拂雲起紫雲樓下花映人

御選元詩

卷六

李序

章伯亮

七

搖蕩香風十餘里妖魂照夜春欲語白玉容華舊絲縷
秦川望月錦繡紋桂楫蘭舟鳳簫女紫雲頭上飛鳥過
朱蘭半折空嗟我怨紅落粉生微波芳華欲攬愁不歌
雲裳綺袂風露多

章伯亮

行路難

贈君七寶鳳凰之繡柱五色麒麟之錦裳王母九霄觴
中之酒秦女萬縷爐中之香去年紅花今日開昨日紅
顏今日老一生三萬六千日歡日願多愁日少對吳歌
看楚舞歌聲忽忽變今古歸去來莫行路

熊載

岱嶽行

岱宗蒼蒼肇開闢元氣坱圠露齧脊懸崖峻嶺接穹窿
走澗飛巒堆怪石山形變態苦不常映月雙巖透雪白
雷車飛馬時往來祕府幽都鬼神宅我來已是二月中
滿眼黃塵暗阡陌瓣香再拜懇神祇愧我乏材躬自責
願祈國祚億萬年歲稔時和春拍拍貪婪蠹政掃無蹤
獎掖賢能放邪僻油然膚寸合陰雲甘澍連宵甦地脉
羣峯亂削翠芙蓉列岫橫陳玉圭壁東郊南畝事耕耘
紅是杏桃青是麥九重雨露浥清塵稽首神功手加額
士民歌舞頌昇平盡說宜時好膏澤肩輿今日始登山
路入天門天咫尺崎嶇石磴十八盤玉女神池沁元液
御選元詩

卷六

熊載

八

磨崖尚有秦漢碑古體昏訛半摧折唐與晉與封禪壇
雨暗苔侵幾朝夕臥龍蟄起石竅寒元鶴睡足林煙碧
洞天深處何人居紫府神君蓬島客涼風颼颼吹我衣
兩腋頓然生羽翮嗟予不有清淨緣杖履何由脫塵跡
神遊八表醉騎鯨長嘯一聲天地窄君不見日觀峯峰
頭便見東海東曉雞未唱日已出海波燦爛山玲瓏悠
然登覽渺無際齊州九點氤氳中又不見五株松嶙峋
老幹蟠蒼龍異哉斯遊更奇絕野鶴笑我何從容攬衣
掉臂山下去夕陽澹澹煙光濃

吳錫

柳枝詞

風前裊娜傲輕身一日三眠別是春多少閨情江路上
直將青眼送行人

貢九萬

采蓮曲

朝采蓮暮采蓮長歌白苧木蘭船船頭鴛鴦雙白首也
應笑儂別郎久別郎久天一方南風煖度蓮花香蓮房
有子不空房我儂豈可背尊嫜郎不食蓮子不識儂心
苦采得蓮歸日落山獨守空房淚如雨

貢士林

織婦詞

月涼露冷天無河疎星耿耿秋聲和深閨織婦踏機響
御還元詩

卷六

吳錫梅頤

貢九萬

貢士林

元

軸水捲練騰蛟梭大姑絡緯弄織玉小姑翦燭蠶雙蛾
壁間草蟲促不已鴛幃夢少愁顏多錦成滿箱待裁翦
私券未了官催科終朝勤苦不自給無衣卒歲如寒何
公不見青樓絕豔一曲歌金堆翠積分綺羅

梅頤

四時詞

蕭疎竹樹與簷齊淺淡桃花隔小溪絲竹已隨春夢斷
綠陰深處聽鶯啼

松下桃笙酒半醒石根流水碧泠泠片雲將雨窗前過
分得新涼入研屏

黃葉蕭蕭獨掩關屏風小幅畫江山酒醒夢入湘雲去

不管秋聲在樹間

一曲尊前喚翠娥笑攀琪樹玉枝柯熏籠熾炭攪瑜暖
不覺寒威入夜多

林景英

劍子歌

匣龍夜半忽飛去猛挾水濤還故處芙蓉光斷血花寒
腥魂濕帶天吳淚誰人手挽銀河水神工翦下蚩尤尾
冶金不躍人間靈時聽七星自相語乾坤萬里清塵沙
手持大柄還天家鴻門健舞好麤膽豈信曾經斬白蛇
日出入行

朝出扶桑來暮入虞淵去何不緩馳驅百歲一朝暮

御選元詩

卷六

梅頌

林景英

素正

二

素正

岳山曉雲歌

大坤溼氣蒸從龍油然勃然連蒼穹曙窗注望東岳峰
須臾不見青芙蓉初疑博山噴出紫雲縷又疑蜃精海
底推起龍王宮東西模糊總一色上下變幻知幾重旣
非芒碭山中隱劉季又非陽臺神女遙相通養文元豹
隱丹壑失巢老鶴迷青松忽見千株萬株老古檜化作
千丈萬丈蒼精龍斷崖滴翠晴灑灑落花細雨春濛濛
金烏欲上海水赤神光盪射生青紅狂飈捲地忽吹盡
依然繡出金屏風奇奇怪怪渺無際且將浩興收拾填
心會

梅德明

柳枝詞

江上春雲半畫橋扁舟東下夕陽潮離魂何似垂楊柳
飛雪漫空煖不消

陶應雷

長門怨三首

擬摘梅花貼鬢嬌未曾掠削早無聊承恩不似金盤雪
得到龍屏煖處消

慚問金輿過鳳池綠雲斜鞦韆曉粧遲試陪苻苑尋雙藻
暗卜東皇屬阿誰

風度荷花小殿香淺沙依舊浴鴛鴦御書扇恩猶在

御選元詩

卷六

梅德明

陶應雷

桂元

三

偏憶金輿夜納涼

桂元

和王守之斷腸曲二首

翩翩白馬垂楊陌千金結交五陵客白苧細褶玉繫腰
迎風葉葉衣袖飄青樓夜夜隈香玉錦帳殷紅射銀燭
蘭房寂寞鎖窗春一月不動羅幃塵昨宵醉歸扶不起
天明又入長安市

桃花夾堤春水滑棹歌三疊行舟發行舟去去東復西
幾度桃花二三月花前一別一回老相思日多歡樂少
君重黃金輕別離黃金買得少年時

黃真仲

美人春睡曲

柳絲幾結春風怨一曲瑤箏碧雲斷釵頭蝴蝶夢尋春
寶枕紅嬌玉生汗誰家白苧剪刀聲驚起花間一雙燕
欲追殘緒海茫茫紅雨滿庭春思亂

棹歌為松江漁者李復禮作三首

麻姑山前江接天女兒浦口好泊船船頭鷗鷺不相識
飛上釣魚竿上眠

柳花吹雨漫天飛新婦磯頭夜不歸寄語彭郎莫相妬
春江處處鰕魚肥

松花壓酒香滿卮鱸魚作鱠光陸離船頭打槳弄明月
船尾敲舷謔竹枝

御選元詩

卷六

黃真仲

周德可

三

二月十五日草堂張燈宴集分題賦清夜遊曲

鰲山宴罷紅塵隔璧月猶貪醉春色笙歌不放彩燈開
更向花朝作元夕水晶簾底珊瑚枝綵虹亂掣金蛇飛
紅渠縮水開瑤洞寶鴨噓雲結繡幃珠宮十六天魔女
手撚天花散香雨玉鈎笑裏暗藏春翠黛愁邊偷換羽
何人截竹吹涼州玉兔飛入銀河流安得箋天乞長夜
夜夜花間作勝遊

周德可

送衣篇

長城萬里飛秋沙弓馬夜驚雪作花龍泉吐光射天地
是妾掩鏡夫辭家此時惜別方壯年年花發園中煙

征鴻無書日苦短牛女夜夜銀河邊萬瓦欲霜楓似綺
親送寒衣數千里匣鸞顧影鳳孤飛山過望夫到湘水
湘水無情漾白波望夫山石浮青螺長途行處意悵愴
誰家嬌女終夜歌衛霍功高猶贖武善馬未歸鞞不乳
關河回首路迢遙愁雲西山水南浦夕陽孤館停征軹
一身百慮雙睇交中宵無人語欲絕風吹燭短山月高

李鵬

三尺水劒歌

龍侯手提三尺水清晨訪吾古獄裏直愁雲氣感星辰
滿目寒光素濤起元冰凝結搖空青芙蓉白日生精熒
爲君拂拭開寶匣炯若積雪涵疎星起看天地雲冥冥

御選元詩

卷六

周德可

李鵬

李宗洌

三

誰其揮吐走六丁爲擊風雨驅雷霆蕩滌氛祲萬國寧
上頭銘字侯所作辭嚴義正發炳靈憐君少年負才氣
每能仗義討不庭側身北望空馳情君不見燕丹夙昔
得荆軻尊前擊筑揚悲歌咸陽西入萬狼虎白虹貫日
橫秋河英雄事去一朝異奈此古來憂憤多憂憤多向
誰語我有高懷亘千古黃金不用買功名失勢因之虎
爲鼠嗚呼腰間寶劒棄如土爲爾更歌公莫舞

李宗洌

古隴頭吟

天寒隴水鳴嗚咽夜飲銳兵從此發海風吹人眼欲枯
上隴猶看嶺西月悲笳蕭蕭霜滿天十里一埃烽火連

去年初度彈箏峽今年復引月支泉從軍辛苦事征討
將軍功大殘兵老

吳嵩

古釵歎

何年美人寶釵失深井沈泥污玳瑁一朝拾得再揩磨
三回五回看歎息雙鸞匹鳳兩股勻終然污色難為新
當時光瑩照頭上有似桃李搖青春今人不識古儀狀
寶釵雖好非時樣為君插罷擁髻悲物無貴賤皆隨時

王東

暹國回使歌

并序

暹赤眉遺種天曆初嘗遣使入貢今天子嗣位繼

御選元詩

卷六

李宗洌

吳嵩

王東

言

進金字表章九尾龜一象孔雀鸚鵡各二朝廷以
馬十匹賜其國王授使者武略將軍順昌知州使
者錢唐人江東羅倣作歌僕遂和之

江東先生遠扣門口誦暹國回使歌高秋夜靜客不寐
歌詞激烈聲滂沱東南島夷三百六大者只數暹與倭
暹人云是赤眉種自昔奔竄來海阿先皇在位歷五載
風清孤嶼無揚波方今聖世霑德化繼進壤貢朝鸞和
紫金為泥寫鳳表靈龜神象懸鳴珂彤庭懷遠何所賜
黃驪白駱兼青騮弁裳使者錢唐客能以朔易通南訛
遙授將軍領州牧拜舞兩頰生微渦樓船歸指西洋路
向火夜夜瞻星河金雞凋晰火龍出三山宮闕高嵯峨

番陽驛吏親爲說今年回使重經過先生作歌既有以却念黎獠頻驚吐田橫乘傳嗟已矣徐市求仙胡介訖豈如暹國效忠義勲名萬世同不磨

歐陽伯恭

天馬歌

天子仁聖萬國歸天馬來自西海西元雲披身玉兩蹄高踰六尺脩倍之七度海洋身若飛海左海右雷霆隨天子曉御慈仁殿天風忽來天馬見龍首鳳臆目如電不用漢兵三十萬有德有歸四海羨天馬來庶政平天子仁聖萬國清臣願作歌萬國聽

銘敬

御選元詩

卷六

歐陽伯恭

銘敬

潘音

三

賦得瀟湘曲送復上人之湖南

瀟湘露白西風起江竹斑斑澧蘭紫神僧八月遡星河木杯飛渡瀟湘水瀟湘兩岸遙相望仙人霞裾白霓裳炯炯吳絲照清浦鳳梭製錦迴龍章翠管銀箋爲誰寫璫珮蠙珠爛盈把蘭橈歸來江渚空五兩飄風疾於馬鷓鴣啼雨蒼梧秋渺渺吳雲天盡頭翠珉刻得蛟龍字寄逐南鴻湘水流

潘音

有所思

中心有所思蹙損雙蛾眉美人竟長往使我歎離居寂寞就孤枕強睡誰得知夜深清露重飛夢欲何之覺來

日遲遲分照上羅幃粧臺理雲鬢種種盡成絲

王守誠

德風歌寄題張使君新亭

春風徘徊入中亭太守揮絃政事廳春風融融布德澤
太守能行君子德君子德比春風春風年年長崇蘭衆
草偃地青茸茸太平天子治四海鳳凰覽輝下九閩爲
君歌德風曲盡情未終有虞當年詠南薰千秋萬歲稱
聖君

蘇天爵

甄處士訪山亭辭

倚高人兮遯肥美欲淡兮心夷卜居子何許山隱隱兮

御選元詩

卷六

王守誠

蘇天爵

宇文公諒

三

旁圍朝撫兮孤松夕采兮秋菊招白雲兮爲賓抱明月
兮同宿展吾樂兮徜徉又何必兮空谷余亦慕子由巢
家滋水兮滔滔歲晏兮來歸願與子兮同逍遙

宇文公諒

西湖竹枝詞七首

赤欄橋低官柳斜粉牆短短阿誰家女郎恰抱琵琶出
早有小船來賣花

奴唱吳歌郎扣舷明朝郎去有誰憐恨殺吳山遮望眼
不見江頭郎去船

斷霞洒洒魚尾紅清唱一聲吳山東阿奴只在繡簾裏
隔著荷花無路通

湖裏芰青日日多蘇小門前無客過今來古往只如此
休說當年賈八哥

湖上交秋風露涼湖中蓮藕試新嘗蓮心恰似妾心苦
郎意爭似藕絲長

菱花菱葉間水藻采蓮入港與郎逢勸君挾彈休打鴨
鴛鴦飛起杳無踪

孤山山上野煙開折花傍水傾金杯總道梅花天下白
祇似渠奴傅粉腮

張翥

北風行

長河風急波浪惡青天晝黃塵漠漠瓠盧渡中舟盡泊

御選元詩

卷六

宇文公諒

張翥

三

官船捲帆與水爭牽馬毛寒撾不行禿樹挂戛枯蓬驚
夜深風定浪聲死窗光倒搖天在水前伴相呼隨鴈起
帽絮不煖衣生稜老貿獨語愁河冰上閘下閘應蹙凌
篙師指直失增減明星欲明霜似糝館陶城南鼓統統
休洗紅二首

休洗紅洗紅紅在水新紅換作裳舊紅翻作裏回黃倒
綠無定期世情翻覆君所知

休洗紅洗紅紅減色雖好不如新著時須愛惜阿母嫁
女不擇人雞飛狗走常苦辛

杏葉黃

杏葉黃杏葉黃蝴蝶雙飛來飛來東家牆東家女兒繡

衣裳可憐蝴蝶蝶惜流芳妝鬢無心蘇合香起彈牀上箏
自歌杏葉黃杏葉青時君去鄉坐見黃落思斷腸安得
致之在我傍君不來天繁霜

小遊仙詞八首

清華公子並騎龍直過蓬萊第一峯親見海中城闕好
半栽玉樹半芙蓉

五色煙中玉女窗鳳歌鸞舞一雙雙除是飛瓊方教得
紫簫吹徹不成腔

來不分明去不言紅椒花露溼妝痕巫娥已逐夢魂斷
十二碧峯愁暮猿

月圃羣芬次第開步前紅露下瑤階樛蒨偶共真妃博

御選元詩

卷六

張翥

三

賭得雙頭白燕斂

道人寄我紫邏山時復賣藥來人間石潭薄晚有龍鬪
滿谷濕雲無路還

五嶽眞官立帳前露蕪香靄落瓊筵夜深醮罷各歸去
一一馬聲嘶上天

美人臨水笑相邀自解羅巾擲作橋同覓雲間仙伴侶
杏花壇上聽吹簫

月帳新開蕊輦過桂花涼露灑天河雙星一夜敘離別
狼籍碧蓮秋露多

紫壇箎策曲贈善吹者任子中

君不見龜茲樂工能新聲截竹插蠶吹月明黃沙磧裏

橐駝斷花門山上浮雲生夜深促節轉悲壯只愁崩倒
赤連城石崖劃裂水泉湧海鶻怒戛風力竦賈胡驚起
怨思長都護罷飲精魂動傳之中國久更新任郎妙解
尤絕倫鏤檀作管如紫玉連蟬錦囊金作束等閒未肯
出向人爲我酒邊吹一曲落花撩亂游絲起流鶯無言
蛺蝶死當頭獨發調最高響來直在青雲裏頓令陽春
變秋色佶栗吳霜飛繞指教坊絃索慘不驕歌舞堂中
靜如水古誰得名今莫比詎數陽陶與關李南音北譜
此正繁含嚼紛紜徒聒耳我心感慨未易降已覺滿座
寒攢攢安得酒船百斛乘月去數聲吹黑魚龍江

宮中舞隊歌詞

御選元詩

卷六 張翥

元

白玉瑯釵燕黃金鑿步蓮簫吹鳳臺女花獻蕊宮仙香
霧團銀燭歌雲撲錦筵請將供奉曲同賀太平年

前出軍

前軍紅衲袍朱絲繫彭排後軍細鎧甲白羽攢鞞鞞輜
車左右馳萬馬擁長街送行動城郭斗酒飲同儕壯士
當報國毋爲鄉故懷

後出軍

行行鐵兜牟隊隊金駱駝嗚嗚吹銅角來來齊唱歌總
戎面如虎指顧揮瑯戈馬蹄無賊壘手箠可填河王師
本無敵安用戰圖多

拾麥吟

大麥黃將上場田家鏟麥村村忙丈人荷擔來何鄉兒
牽嫗衣婦挈囊汗流赤日如暴尪終朝拾穗不盈筐但
求糠粃充飢腸身不及青樓娼風日不別惟膏梁

成廷珪

春夜曲

芙蓉樓前拜新月寶鴨微熏透銀葉吳山楚水送遠遊
不管閨中照離別誰家玉鈎飛上天一似連環舊時缺
缺多圓少將奈何一寸愁腸萬里結爲郎白苧裁春衣
又恐月圓郎未歸

江南曲

吳姬當壚新酒香翠綃短袂紅羅裳上盆十千買一斗
御選元詩

卷六

成廷珪

三

三杯五杯來勸郎落花不解留春住似欲隨郎渡江去
酒醒一夜怨啼鶻明日蘭舟泊何處

雪舟歌爲王子中賦

王郎不知何許人一舟橫在江之濱風清月霽未肯出
滄洲獨與天爲鄰洞庭煙水兩寂寞十年不見君山春
北風三日雪大作掛席張帆以爲樂手中鐵笛吹紫皇
身上氅衣如白鶴拍浮滿載百壺酒奚足蓬窗供獨酌
剡中隱者毋相疑乃與戴老同襟期更闌酒盡雪未止
趣棹欲返猶遲遲今夕何夕此乘興千載未必無人知
槎山歌爲胡雲夫作廣西憲史雲夫家於德安
之槎山累世矣至正十二年秋中臺計事回至

廣陵聞漢上兵後山居亦蕩然已慨然思親而不可歸馮太守書槎山二字為贈朝夕展翫姑慰其心因題卷後

淮水源出桐柏山東流入海何時還胡君引水種秋秫築室正在槎山間槎山青空白日靜胡君意與雲俱閒漢東一夕風塵起雲亦高飛幾千里山間有家不得歸却過揚州飲淮水飲之為洗冰雪腸今我不樂思故鄉驅車明發渡遠道廣海又在天一方思親恨不歸來早夢中祇說槎山好他年歸隱奉親歡白頭同向槎山老

竹枝歌

道士莊前秋事多東家西家收晚禾船頭把酒對明月

御選元詩

卷六

成廷珪

三

聽打夜場人唱歌

御選元詩卷第六

